庫全書

子部

欽定四庫

南華真經義海察敬養一

校對官學正臣李 嚴 總校官庶吉士臣倉聖脉 腾銀監生 臣于希賢


詳校官監察御史臣印庭澍

檢討臣何思的覆勘

· ていしり int Aitin 欽定四庫全書 南華真經義海纂機 提要 至元丁亥九月與伯秀及王磐隱游閱古泉 褚伯秀撰伯秀杭州道士其書成於咸淳庚 則入元尚在也其書纂郭象吕惠卿林疑獨 午下距宋亡僅六年周密癸辛旗識後集載 臣等謹案南華真經義海纂微一百六卷宋 南華真經長海暴微 子部十四 道家類

重欠口压 生言 也范元應乃蜀中道士本未注莊子以其為 引之亦不列於十三家以從陳景元書采用 也成元英疏文如海正義張潛夫補注皆問 意謂之管見中多引陸徳明經典釋文而不 逸李士表王旦范元應十三家說而斷以已 陳祥道陳景元王雲劉縣吳傳趙以夫林希 伯秀之師故多述其緒論馬蓋宋以前解莊 列於十三家中以是書主義理而不主音訓

大江日三 人は 年七月茶校上 翁湯漢三序皆咸淳初所作也乾隆四十三 旦諸家今皆罕見傅本實賴是書以傅則伯 秀編纂之功亦不可沒矣前有劉震孫文及 子者梗緊畧具於是其間如吳傳趙以夫王 南華真經義海禁機 A O 總管官紀的臣陸錫能臣孫士教 官 陸 嘳 墀



之不敢自凝於大鵬物之知分者也其曰許由之不敢 覺其迷而砭其疾故於逍遙遊篇首寓做言其曰鳩鷃 廉爛其生民其禍實起於不知分莊子於是時思有以 德下衰禮樂征伐不自天子出戰國諸侯蠻觸並屬以 始悟其立言本旨最切於救時而人或未之識蓋自周 緣病卧夢中有以木雞之說告者因復取其書而繹馬 始余讀莊子頗疑齊物之論荒怪汗漫若與物情戾偶 南華真經義海藻微原序 南华真經義海暴敗

世教則盖子固亦距之矣讀者泥其解而不求其意往 |無不齊矣且莊子與孟子同時使其言而悖道無補於 事奪天閥之患則夫物之不齊者非必物物而齊之而 受堯之天下人之知分者也夫使天下而皆知分則賤 日中都道士褚伯秀持所集莊子解且附以己見示余 往例以不經目之如郭泉所云者是豈真知莊子哉 父而子子舉一世莫不各安其天分之當然而無僭喻 不熟貴小不圖大强不凌弱眾不暴寡君君而臣臣父

道一而已形於言即為二故曰道無問問無應又曰知 道易勿言難知者不言言者不知善者不辯辯者不善 東北人劉震孫書於姑蘇寓舍木雞窠 |所及也願得以為序録諸木可乎余曰此臆說也世豈 たいりむこう 一 南華真經義海暴做 相與訂之未晚也若夫為序則不敢成淳元年夏四月 無深於是書者子其博訪而求印可馬他日以復於我 舉余言告之矍然謝曰以分一字斷齊物之說此非我 余喜其會萃之勤去取之精而所見之多有超詣也因 -

呼道以言而傳昭氏之鼓琴也道不可以言傳昭氏之 折句言愈支而道愈離矣雪獻羽衣褚伯秀身近尺五 後之人求其所已言而不求其所未言尋行數墨分章 然則忘言可平言可忘則南華經不作矣言不可忘是 之書以為未足且刻之梓以傳不朽其用心亦勤矣鳴 之天而神游子漆園濮水之上輯諸家解斷以已見筆 十萬餘言未當不言而亦未當言何者其言皆寓言也 以有南華經既有南華經是以有諸家解雖然南華經


大と四ちてを与 二而一者也噫南華之經諸家之解褚之管見子之臆 **坡翁自謂於莊子有得今觀其文間有說莊者往往猶** 世雖有作者無以加之矣而莊子尤難讀大聰明如東 古諸子之書若盖氏之正家莊之奇皆立言之極至後 說是又寫言中之寓馬耳矣成淳元年夏五月五日本 忘筌得克忘蹄可也筌蹄豈魚克哉道也言也一而二 心翁文及翁書於道山堂 不鼓琴也大音布聲鼓不鼓琴與音固無悉也抑得魚 南華真經義海藻微

不以人廢白首成書志亦勤矣余視其目端而明氣夷 遂之宗可以見其端涯也武林褚君伯秀道家者流非 若直以莊子解莊子上絕攀援下無拖帶庶幾調適上 平近時釋莊者益衆其說亦有超於告人然未免翼以 儒非墨故其讀此書也用志不分無多岐亡年之失特 吾聖人言挾以禪門關鍵似則似矣是則未是余謂不 未契本旨沉害惠卿流毒藝湍懷而可與於帝之縣解 用索初意於干載之上會革衆說附以已見采獲所安

一十八篇而卒郭泉得其書足成之以行於世後向 為首余笑曰彼刻雕之工未竟數則釋推鑿而上者能 管筆之於冊今老病目昏嘉褚君之志有成而已不暇 為君序之矣咸淳乙丑歲八月甲申都陽湯漢書 五十二篇郭彖合為三十三篇註之一云向秀先註莊 張洪列子釋文載莊子宋之家城人為深漆園吏者書 而靖斯學之力也余舊喜讀莊時有欣然會心處然未 一一勘其得失美君旣竭力以板行其言且屬余序其 门车 沙理 八海禁散

一般定正庫全書 首級云莊子師長孫公受其微旨著書十萬餘言目曰 氏别本出故向郭二註文義一同碧虚子陳景元註卷 華之號其來久矣似是上天職任所司猶東華南極之 舊號曰南華真經義取離明英華發揮道妙也竊詳南 南華論內篇三字標題者是其舊外雜篇則為郭象所 類不可以人間義理臆度故諸解無聞馬謹表出以備 九年侍中裴光庭請冊四子天實元年詔冊莊子宜依 刪修今通計正文止存六萬五千九百餘字唐開元十

			,		解題一般
7.1.					解題一難俟博識考訂之
与		ų·			考訂之
南華生極美海震敗					
飲		,			
A					



ているう こんに **諧者志怪者也諧之言曰鵬之徒於南冥也水擊」** 内篇逍遙遊第一 魚其名為鯤熊之 化阿里克 医阴茎 實 经重新的 南华真里花每葵战 知其幾千里也怒而飛其與若 則將徙於南冥南冥者天池也 人不知其幾十里也化而為 褚伯秀

塵埃也生物之以息相吹也天之蒼蒼其正色耶其遠 千里轉扶搖而上者九萬里去以六月息者也野馬也] 而無所至極耶其視下也亦若是而已矣 放無為自得故極小大之/致以明性分之適達觀之 郭東註鼠鵬之實吾所未詳莊子大意在乎逍遙遊 直以大物必生於大處大處必生此大物理固然也 士宜要其會歸而遺其所寄紀之化鵬非冥海不足 以運其升非九萬里風不足以買其翼此豈好奇哉

視地亦猶人之自地以觀天也 之無端萬物隨之以消息盈虚者莫非是也北冥之 之相距也言鵬之數奇而去以六月息則鯤之數耦 天而已三千九萬皆數之奇六月則子與己午與亥 紀化為南冥之鵬由陰而入陽也陰陽之極皆冥於 吕惠卿註通天下一氣也陽極生陰陰極生陽如環 年至天池而息也野馬遊氣鵬憑以飛鵬之自上以 夫鵬翼大難舉故搏扶搖而後能上九萬里一去半 內華真里心與公文

新定匹库全書 一 **豈知所以為高哉** 所出入也莊子以鯤鵬明陰陽變化故以北冥為始 林疑獨註北者水之方冥者明之藏北冥則陰陽之 唯不可知故未當以所居為下則鵬之自上視下亦 視天見其蒼蒼果正色耶遠而無所至極不可知也 吹息者氣之所為充塞天地而無間人於其間自下 而去以六月消可知也野馬塵埃皆生物之以息相 **鲲陰物也鵬陽物也太玄云幽無形深不測静曰復**

及至日本公司 一 有極也蓋有體之物雖至遠至大亦不離乎陰陽之 之息以明風起於微而積之至於厚然後鵬待之以 幾千里次言三千里數之未遂也終言九萬里動必 圖南也 陽选運相為無窮而不可致詰者也野馬塵埃生物 數故動則九止則六也去以六月息乃及歸於陰陰 鵬也紀之初化為鵬雖曰陽類而未離幽眇故不知 命者其象在與夫物芸芸瑩天功明萬物者其象在 南華真輕義凝暴做

中陽也鵬之為物陽中陰也潛北徙南不離陰陽之 陳祥道註道散而為陰陽陰陽散而為萬物出陰陽 方九萬六月不離陰陽之數背若太山翼若垂雲不 為道南冥則出而為事莊子所以於北則寓淵潛之 適而不係累实者明之藏明者冥之發北冥則入而 為冬於數為一物之化也常始於此夫紀之為物陰 魚於南則寓搏飛之鳥水於方為北於氣為精於時 而復於道則無適而不逍遙入陰陽而麗於物則無

·灰定四車全書 擊三千里轉扶搖而上者九萬里而去以六月息六 冥生殿化而為鵬氣形已具皆不知所以然而然蓋 陽也如此況蜩鳩斥鷃子 陰陽生化神變莫測者也物之初變量未可窮故云 碧虚子陳景元註夫道以生化為先以陰陽為原北 不能無情飛而息不能無窮以鯤鵬之大其固於陰 免乎有體化則資水轉則資風不免乎有待怒而飛 不知其幾千里有生必有所詣材力不能無限故水 南華真經光海蘇微

陰數故云息也天地之間元氣氤氲昇降往復故有 有所域則陰陽隔絕上下異見其之能適矣 相乘御故彷徨東西莫之天閥也若以形之小大而 野馬塵埃之喻有生之物其不互以息氣鼓吹而交 化而不能逍遥易曰方以類聚物以羣分所謂逍遙 雖至大而能變亦不免守陰陽之類是以攝制於造 王零註風潛則處於北鵬飛則從於南冥有體之物 遊者其唯無方無體者子水擊三千里陽數始暢也

戶里車<15回車<15回車<15回車車車與長海暴限 觀天自大視小者不明則鵬亦以大為累也 己故以六月息野馬塵埃生息相吹細大雖殊其氣 天池天包地外則北冥亦天池也三為陽之始一函 虚齊趙以夫註莊子鯤鵬以明天地陰陽之氣魚化 則鵬之所侍以飛者其在上而視下亦猶人之在地 三也九為陽之極三丞九也一陽生於子六陽極於 而鳥北徙而南由陰而陽由靜而動也經以南冥為 動必有極故轉扶九萬里去以六月息也野馬塵埃 明下文視天無極以形容鵬飛之南却如此下語可 者一舉必歇半年也野馬塵埃生息相吹三句正發 字便是奇特三千九萬只形容其高遠去以六月息 亦寓言不必拘陰陽之說鳥之飛也必以氣下一怒 外有如許世界則自視其身不啻太倉粒栗也鯤鵬 廣大之樂蓋謂世人見小故有紛紛之爭若知天地 林布逸鬳齊口義云熙鵬變化之論只是形容育中 則一人之視天亦猶鵬之視下高卑雖殊其理一也 1 the Die Little 見筆力 息不出乎陰陽之互變亦在子一氣混冥中耳是 北而後南陽由陰生也位雖有殊而氣本無間特 潤氣所以滋孕萬物南主烜氣所以長養萬物先 褚氏管見云冥者一氣之混同而無問者也北主 以相去遼遠漸化不覺猶四時之運祁寒隆暑非 以南北皆謂之冥馬南華老仏蓋病列國戰爭習 一朝成故紀潛鵬化靜極而動搏風九萬六月而

南華真經義海纂微

ないりしんといる 資之以通化上際下蟠無所不極然非視聽所可 及故必鯤鵬以强名使學者始因物而明心終忘 遠大之論以發明至理開豁人心言得此道者與 形以與道深根寧極妙合化機吾身之陰陽無時 超監随一時學者局於見聞以縱橫裡圖為能掠 地之陰陽即人身之陰陽水火因之以發源性情 天地合德陰陽同運隨時隱顯無往而不逍遙天 取聲利為急而昧夫自己之天遂懷慨者書設為

息者陰消陽長造化不停之機野馬塵埃即事物 乎鵬徒南冥之後三千九萬之數形馬去以六月 其爱惡哉物之初化其變未量故不知幾千里及 情隨形化各全其天造化無極與之無極何所容 死如魚變鳥失鱗甲而得羽翰舍游泳而從飛舉 患失問知所謂逍遙故申言以破其感謂人之生 具足逍遙而世俗冥迷忘真逐偽當生憂死應得 不運再身之天地未當或息也由是知人之本性

南华真經義海藻殿

我好正是全書 交而生萬物五離五合生化無窮小大短長咸足 其分由受氣至於具形數極至於變質員陰抱陽 塵徜徉物表六合之遊氣潛運萬軍之生息交噓 怒而飛一句諸解罕詳及偶得言外意附於條末 不自得所以為逍遙遊也故以冠一經之旨其間 適所以相吹舉而莫足為之累動容周旋無入而 云天地禀乎一氣者也自一氣分而為天地天地 過前之譬儻善操其本而得鵬飛之要則超逸絕

作是也於此以觀其復則六月息之義可知世人 者必伸豈厭常樂變而為此哉蓋面形大化中則 然非情激不平之謂也凡物之潛久者必奮屈久 隨二氣而運盈虚消長理不可逃齊物論萬家怒 後動之義怒猶勇也為氣所使勇動疾舉有若怒 時各有待當化者不得不化當飛者不得不飛旨 號外物篇草木怒生亦此意道德經所謂萬物並 天機所運受化者不自知也怒而飛者不得已而 南华真经养每家故

あらて 五年書 積也不厚則其員大真也無力故九萬里則風斯在下 堂之上則於為之舟置杯馬則形水沒而舟大也風之 且大水之積也不學則其負大舟也無力覆杯水於均 者請於未形已前求之 逍遙之鄉日超有為之域以至事物輕轉患累斜 見其怒而不見其息知其作而不知其復故背夫 經滿然疲役不知所歸可不哀那關尹子云天地雖 大能役有形而不能役無形夫欲免為二氣所役

大椿者以八十歲為春八十歲為秋而彭祖乃今以久 · 廷之南有冥靈者以五百歲為春五百歲為秋上古有 將圖南蜩與驚鳩笑之曰我決起而飛搶偷枋時則不 矣而後乃今培風背負青天而其之大剧者而後乃今 以知其然也朝菌不知晦朔蟪蛄不知春秋此小年也 聚糧之二蟲又何知小知不及大知小年不及大年矣 三食而及腹猶果然適百里者宿春糧適十里者三月 至而控於地而已矣奚以之九萬里而南為適养養者

·/11] 日本真經養海察做

湯之問棘也是已窮髮之北有冥海者天池也有魚馬 金をしんべき 特闻农人匹之不亦悲乎 其廣數千里未有知其脩者其名為殿有鳥馬其名為 越此義經文大意明白不復集解 無知而同於同也小知大知小年大年重重起喻不 所適有遠近則所資有少多曾二蟲之何知指蜩鳩 各足其足而無企美之心此所以為逍遙遊也又論 此段起喻以行上文次設蜩鳩對辯以明小大之分

| Cr. | GIO | 内華真經義海察做 舉世非之而不加沮定乎內外之分辯乎祭辱之境斯 彼且奚適也我騰躍而上不過數切而下翱翔蓬萬之 鵬背若太山翼若垂天之雲搏扶搖羊角而上者九萬 已矣彼其於世未數數然也雖然猶有未樹也夫列子 亦若此矣而宋榮子猶然笑之且舉世譽之而不加勸 知効一官行比一鄉德合一君而徵一國者其自視也 間此亦飛之至也而彼且奚適也此小大之辯也故夫 里絕雲氣員青天然後圖南且適南冥也作鷃笑之曰

御風而行冷然善也旬有五日而後及彼於致福者未 無己神人無功聖人無名 正御六氣之辯以遊無窮者彼且惡乎待哉故曰至人 數數然也此雖勉字行猶有所待者也若夫乘天地之 徒能識冥靈大椿之名者也郭象註湯之問棘亦 陸德明音義載棘子湯時賢人崔氏云亦齊諧之 云物各有極任之則條暢故莊子以所問為是也 吕惠卿云此引湯之問棘者以其言自古有之所

極任之則係暢非莊子本意觀者求正於列子可 物終於無盡之中復無無盡無極之外復無無極 其器也林疑獨註載殷湯夏革之事始於古初有 正與上文相贯故引以為證而郭氏乃云物各有 謂重言也棘之言鯤鵬即今所引者見於列子蓋 而義亦通皆訓急也崔說以此句結承上丈靈椿 **褚氏管見云按列子作般湯問夏華草棘聲相近** 南華真經義海集散

金声正月全世 冥海天池之論以印莊子之言則此章自合始於 首引齊站所志次以湯之問棘再祭列子湯問篇 湯之問棘句末如是已者證上文而生下語觀者 詳考經意蓋欲實鯤鵬之義故一唱題而雨舉發 論碧虚陳景元本第二章從此句始則同日該今 文未決所附故也林氏註正與上文相贯則同崔 童耳大觀八註本以此句獨立條似亦牽於上下 之論日註從此句起下文冥海之談各據所見分

子猶然笑之則不以崇利動其心而全無用之用 文乃再舉組鵬之論不在重釋知効官行比鄉等 語言人知能小大各有所施以得用為適耳朱紫 矣後章從窮髮之北重起論端非立言之體也故 者也超出知能一等矣而真人循以為未立則所 此句合在下以結句為起句是其作文鼓舞處下 僭述所以附於係未以釋其疑什溪林氏亦云據 多不明辯誤作前童結句若以為結句則意已盡 一一一一一一一一一一一大

銀好四雄全書 逍遙遊首章大意蓋至道窮神妙避聖域不超乎 忘功己功既忘人譽必至又預忘名以遠世累累 馬凡威有生私利易植貴乎忘已驕矜易前次當 神人無功聖人無名此三者人道之極用以總結 御六氣以遊無窮斯為至也故斷之回至人無己 見超詣可知如列子能仰風而不能無待必至於 三無之論入而言至出而言聖神運於其中無方 而不测弘之在人理亦寄耳因言立教則不無序

7.1.0.2 J.1.7 者之名亦混融俱化矣竊觀古今才能英傑之士 岩五湖之泛赤松之遊桐江之釣四海一身將有 於楊名名所以礪俗也而名下難久居非功名之 立功功所以及物也而功成必見思脩身立業期 弗及邪道心未明有以障之耳夫幻學壯行期於 建功立名不為不多而明哲自全者無幾豈其智 過病在於有我信能無已則避功逃名隱迹全道 遠身全道純德粹以之處人應物無不盡善而三 南華直經夷海集散

子立而天下治而我猶尸之吾自視缺然請致天下許 金ケロルノハー 不亦難乎時雨降矣而猶浸灌其於澤也不亦勞乎夫 **堯讓天下於許由曰日月出矣而爝火不息其於光也** 德而歸美之稱何足以極天遊之妙郭氏註理至 樂生樂死無往而不逍遙所謂至神聖者物被其 退良有以也儻致知力行動與理合則善窮善達 餘樂何危機之足處哉太上云功成弗居名遂身 則迹滅其說盡之

枝偃鼠飲河不過淌腹歸休乎君子無所用天下為危 平名者實之賓也吾將為賓子鷦鷯集於深林不過一 人雖不治庖尸祝不越樽姐而代之矣 由曰子治天下天下既已治也而我猶代子吾將為名 郭泉註夫能令天下治不治天下者也許由方明既 治則無所代之而治實由堯故有子治之言宜忘言 以尋其所況或者遂云治之而治者堯也不治而得 以治之者許由也失之遠也夫治猶乎不治為出於 南華气亞義與家数

金牙 正雄全書 帝堯許由各静所遇此乃天下之至實各得其實又 無為取於堯而足豈惜之許由哉若謂拱默山林之 西之非己故無行而不與百姓共者亦無往而不為 能離也是以無心玄應唯感之從汎若不繁之舟東 夫自任者對物順物者與物無對堯無對於天下許 天下君矣次舉庖人尸礼各安所司鳥獸各足所受 由與稷契為匹矣何以言之與物实者羣物之所不 中然後稱無為者此老莊之談所以見棄於當塗也

吾肯為之乎是故方其有為也四海九州樂推而不 将見其不得也是取其無為之名而已名者實之賓 故請致天下而不疑自由言之堯雖有為而未當不 之實也天下既治而吾猶代之則是取天下而為之 人以其心故也夫以無事取天下而天下治此無為 出於無為故以天下既治而不肯受自言以其迹言 吕惠卿註自堯言之由雖無為而未當不可以有為 何所為乎故堯許之行雖異其於逍遙一也

·大王四事全書 ■ 南華真殿黃海篆微

林疑獨註日月時雨出於自然故不見其有為而功 所以無用天下為而堯許之所以逍遙也 矣易曰鼓萬物而不與聖人同憂者神也聖人之功 由無為之道既行則有為之道不能無愧故請致天 大爝火浸灌出於人力故見其有為而效淺堯謂許 為有餘及其無為也一枝淌腹歸休而不為不足此 下許由謂子治天下天下既治則雖無為而無不為 以神為體神何當有功哉唯堯也吉凶與民同患故

陳祥道註竟治天下者也由忘天下者也治天下則 實喪而名立忘天下則實聚而名泯治天下而天下 也後舉庖人宰割以喻有為尸祝接神以喻無為神 巴治則不可致之於人忘天下而天下無忘則不可 也夫聖之在神有為在無為猶滴水之在冥海也迹 雖有為但無累於心亦天下之至妙不必義乎無為 不免於有為有為之極復歸無為所以讓天下於由 人不得不無為聖人不得不有為也

文定四事全事 南華真題義海暴微

越分而代堯也 代之於彼此堯之志所以不得行於由而由之志所 有事則多累故無事者未當過而問馬此由所以不 足乎內也庖人有事於事者也尸祝無事於事者也 矣道濟天下之譬也鷦鷯一枝足乎外也偃鼠淌腹 陳碧虚註名器不可以假人大寶惡敢輕受許由貴 以不屈於堯也日月出矣智周萬物之譬也時雨降 身賤物不以天下為利人人不利天下天下自治矣

東主四五十五十 南華在經義海察做 不足以由喻天之所為日月時雨是也以堯喻人之 自知也 為累有為者以無為為宗方其有為也竟為天子富 者明不知人則無以通利害而處人間不自知則無 有天下不為有餘及其無為也由為匹夫隱於其山不為 王旦論云天出於無為人出於有為無為者以有為 以知天命而冥自然此堯之所以知由而由之所以 故不事王侯高尚其事志可則也夫知人者智自知

者也盖道之在聖人出則竟也隱則由也庸何擇子 由以堯能治天下而不肯代然則天下將誰治之曰 虚齊趙以夫註堯與許由非二人也觀者當於言外 所為爝火浸灌是也夫堯以由能治天下而不敢尸 求之天運篇中堯舜問答即此意 治於堯則有為而無為者也治於由則無為而有為 褚氏管見云伏讀充讓童淳古揖逐之風嚴然在 目有以見聖人尊道贵德後己先人真以治身土

体富贵者哉為有神死在位斯有許由在野氣類 將曷與哉非大任而不疑無以見堯之真知卓絕 非由其能繼由之侍天下以忘謂四海既已治吾 感召理有由然堯之爱天下也深謂四海雖已治 何後世之澆薄邪堯以爝灌儿功其謙虚至矣豈 並以治天下之意彼戰爭撰等於尺寸土地之間 非高視而不受無以見由之抱道精純蓋聖人不 以黃屋為心哉由以與風喻量其素分足矣宣僚

九己日本小島

南華真經義海察做

といりじんとう 晦在道若合符節豈世俗得以窺其為哉且由之 尊使堯脩然得謝則可以韜光太古之上聖人顧 由也誠何以天下為至若名者實之實一語足為 由之所以資堯者至矣雖受之天下亦未為過而 而舉以代己使由幡然受禪不失字端於嚴郁之 卷舒時之當否耳夫充之知由也審故不候歷武 於堯以分則民以道則師其於沃之微心傳之妙 以出處分重輕而以義理為去就此有係乎道之

希代者幸是經不泯足以明進退之節量授受之 勢若不侔然均於以誠接神臨事尚敬有可代之 爭抑使後人想像箕山賴水之趣而風樹一點猶 理古人猶不為之季世簿俗乃有叛倫肯理而妄 足而天下無事矣夫尸祀之於庖人雖尊卑勞逸 萬世法即此語而推非惟醒邯鄲之夢息蠻觸之 明於知人由之隱德明於處已各安所安各足其 以為累也終以尸祝不越姐而代庖言堯之至德 南华其理先每原致

一张定正库全書 叔曰其言謂何哉曰貌姑射之山有神人居馬肌膚若 **幣怖其言猶河漢而無極也大有迎庭不近人情馬連** 肩吾問於連叔曰吾聞言於接與大而無當往而不返吾 義誠有以密輔世教而人罕知者敬得其所以言 之迹凱由迹而求其心是亦盧扁投樂於未病之 道交喪之後有人與人相食者故具述先聖揖遜 之意而表出之 分而絕天下姦俸之心吁南華老仙亦聖矣知世

傷大浸稽天而不溺大旱金石流土山焦而不熟是其 之是其言也猶時女也之人也之德也將磅礴萬物以 者無以與乎鐘鼓之聲豈唯形骸有聲盲哉夫知亦有 塵垢粃糠猶將陶鑄堯舜者也孰肯以物為事宋人資童 為一世漸子削孰弊弊馬以天下為事之人也物莫之 而遊字四海之外其神凝使物不疵寫而年穀熟吾以 氷雪綽約若處子不食五穀吸風飲露來雲氣御飛龍 是狂而不信也連叔曰然瞽者無以與子文章之觀孽 南华真坚荒安集做

其天下馬 南而適諸越越人斷髮文身無所用之堯治天下之民 **新好匹尼全書** 平海内之政往見四子藐姑射之山汾水之陽官然喪 識故乃託之絕垠之外推之視聽之表耳 林之中今言王德之人而寄之此山將明世所無由 郭泉註神人即所謂聖人也雖處廊廟之上無異山 吕惠卿註藐姑射之山唯有道者能登之神人即人 心之所同有唯窮神者能見之毅猶眇視姑且也射

次产里至全百 一 南華真經義海藻做 神人無用即道為用則神人之所居者道而已矣 陳祥道註貌姑射山以喻道也神人無體即道為體 五山之類神人者聖而不可知又惡可以言盡哉 至於此不可以言言故引接與之言以明神聖之道 林疑獨註此一節皆至理聖人所秘而不言者蓋道 而寓意於姑射貌言其遠非必有是山也猶列子云 神人孰能與於此 厭也言登此山者視天下事舉無足為故貌射之非

身中至靈者人能求諸幽眇之中而得吾身之至靈 則不食五穀吸風飲露來雲御龍遊於四海非過論 妙處而非世所知也 吳傳註巍姑射山此託辭於寒海之外以妙神人之 降言無治迹故有為者笑之以為狂而不信也 陳碧虚註神人者寓言體道聖君淡泊無為與化升 蜀無隱范講師云山以喻身貌射言其幽眇神人即 王雱註藐姑射山在北海中以喻歸根復命之意西

也或者求之於外不亦遠乎 為逍遙之遊其用心可謂普矣伯秀幸聆慈誨不 敢已私敬附諸解之末以弘法施奸推廣餘意詳 聖訓何由下教人間寓道真切其要於此而言微 秘開學人固有之天恨不手挈羣生俱登姑射同 有無隱講師盡墨份義直指玄微發先聖不言之 褚氏管見云姑射神人章非食烟火語不因親接 旨與初學難窺詳前諸解吕林二公得其端緒後

文字可取入子

南華真經義海篡数

主

育輔萬物之自然此言推己以及物之效所以合 與造物遊者也其神凝使物不疵寫而年穀熟則 養神之極者非唯自全而已又足以對天地之化 飲露則絕除世味納天地之清冷乘雲御龍遊子 約若處子守柔自全害其能及也不食五穀吸風 釋下文云肌膚若水雪體抱純素塵莫能污也與 神不測與道無方也飲或者為名相所移求是山 四海則凌厲太空同元氣之冥漢所謂不行而至

一次定四年全十一 尚華真殿黃海寨做 音汝尚書時女切義同連叔謂肩吾神人似是汝也 止一肩吾而已哉按此與列子黃帝篇第二章文 神極化之妙備見此章而聞者以為狂而不信豈 但質之聲瞽者謂無此理虚齊趙氏以時訓是女 小異而義實同南華記之以接與又所以神其迹 於絕根之外則所謂神人者益遠矣竊謂經中窮 也餘丈平易可通不復贅釋獨猶時女也一句有 二說郭成諸解並云猶及時之女自然為物所求

1 ししん つき 竟實冥矣其迹則竟也自述,觀冥內外異域世徒! 陸德明音義載司馬舊註謂王倪齧缺被衣許由 言邪堯往見四子貌姑射之山四子說亦不同按 人者徒名其塵垢糠批耳堯舜之實惡可得而名 也郭泉註四子者寄言以明堯之不一於堯耳夫 所歸實尊之至也謂世人所稱堯舜推尊之為聖 塵垢糠粃陶鑄克舜之語岩輕克舜然及考經旨 列子所謂生生形形者屬齊口義同趙氏音訓又

成法疏四子四德也一本二迹三非本非迹四非 有天下亦何以天下為哉又解堯之師曰許由許 據堯之所見因謂與物同沒者失其所以逍遥也 由之師曰盡缺盡缺之師曰王倪王倪之師曰被 是見神人也神人即吾心吾心則無我無我則雖 非本迹也言堯反照心源洞見道境超兹四句故 云往見四子日惠卿註堯往見四子貌姑射之山 見堯之為堯豈識其冥哉故將求四子於海外而

次元四車全事 南華真經義海藻微

陳祥道註四子者不以天下與物為事也連叔以 被衣而不為四子所售猶宋人資童南而適越也 歸之德人仲尼以經太山而不介入淵泉而不濡 衣四子皆能窮神而堯因之以入是往見之也林 婦之真人此四人者皆心與元氣合體與陰陽冥 河沍不寒歸之至人河伯以寒暑不害禽獸不賊 大凌不溺大旱不焦歸之神人王倪以澤焚不熱 疑獨註充資治天下之功業往見許由醬缺王倪

海內者見其迹而已若乃堯之為心豁然四達逐 辞由即堯者可以語此本篇主意在局吾連叔問 見四子宣真有人之可見哉亦及而求之耳能知 在遼絕一方不足以係之也虚齊趙以夫註堯往 厭者也吳傳註自迹觀堯則內外異境治天下平 堯得四子之道故云往見之也陳碧虚註夫忘天 外其身而身存後其身而身先此天下樂推而不 下者無寄託之近名然歸之愈衆而忘之愈冥故

てんりはんかつ :

南華真殿義海蘇微

金ダにんぐっこ 迷必有大見識方能照破也西蜀無隱范講師云 答能通此則皆尾之意貫矣林氏鬳齋口義云四 內逆若有為而心不離道能反觀四大於幽則之 四子喻四大義射言其幽眇謂堯雖治天下平海 要學者於此揣模蓋謂世人曷於所見不自知其 子既無名或以為許由盤缺王倪被衣或云一本 誕不知此正莊子滑稽處如今人所謂斷頭話正 二迹三非本非迹四非非本迹如此推尋轉見迁

缺王倪被衣則四子之道一而已矣堯能忘形以 經意擬為之說堯之師曰許由由之道蓋出於齧 數無該皆可服膺者也按此所謂四子乃寓言以 用志不分親有所見始充端的非語言能盡令據 明道而道之為物恍惚宵冥難以形數定在學者 而考義差遠求之近解中虚齊實為理勝光講義 之論不齊或大意混成而於數不合或稽數合符 中故界盡而逍遥也褚氏管見云已上諸解四子

南華真經義海篡微

金好匹に人生書 當處而得見四子言道不離乎遠求皆然喪其天 者矣 帝堯民得此道即今之許由也汾水堯所都不離 求道是為往見之說好引即前及觀身中幽眇 下棄如散展之謂也又因研味祖經客有所契歌 之喻此道古今無殊君民罔聞君得此道即今之 四子則至貴在我萬來之尊四海之富有不足顧 以有象有物有精有信祭解四子義若陷合既見

大足日子人子子 尚華真經黃海葵做 越人裂地而封之能不龜手一也或以封或不免於汗 為洴粹統不過數金今一朝而衛枝百金請與之客得 之以說吳王越有難吳王使之將冬與越人水戰大敗 所容非不明然大也吾為其無用而格之莊子曰夫子 **海絖為事客聞之請買其方百金聚族而謀曰我世世** 惠子謂莊子曰魏王貽我大瓠之種我樹之成而實五 固拙於用大矣宋人有善為不龜手之樂者世世以洪 石以威水漿其堅不能自舉也剖之以為點則豺落無

大矣而不能執鼠今子有大樹患其無用何不樹之於 一樽而浮乎江湖而憂其瓠落無所容則夫子猶有達之 於機辟死於網罟今夫策牛其大若垂天之雲此能為 見狸牡乎卑身而伏以候敖者東西跳梁不避高下中 腫而不中繩墨其小枝卷曲而不中規矩立之塗正者 **游說則所用之異也今子有五石之瓠何不慮以為大** 不顧今子之言大而無用衆所同去也莊子曰子獨不 心也夫惠子謂莊子曰吾有大樹人謂之榜其大本擁

其下不夭斤斧物無害者無所可用安所困苦哉 無何有之鄉廣莫之野彷徨乎無為其側逍遙乎寢民 直達者也蓋言物各有宜的得其宜安往而不適夫 吕惠卿註惠子拘於形器謂莊子之言大而無用故 皆逍遥也 郭泉註其樂能令手不均拆故常漂絮於水中逢非 以大瓠況之自其種而樹之成明我於其言始終察 小大之物若失其極則利害之理均用得其所則物

次至四年全台

南华直經及海集做

龜手之樂為喻道之為言一也不善用之不足以周 有身是以疑而有問故莊子答以扯於用大遂引不 地而封之謂也夫注馬不満酌馬不竭此亦人之江! 周吾身而已雖天下淪溺猶將拯之則用之水戰裂 之也而實五石至不能自舉則求之於形器而累於 四體則世世洴凝然不過數金之謂也善用之非持 宇宙不能出者也夫用大物必於大處今惠子累於 有身者也剖之以為默蘇落無所容則用之而域於

處而安之是樹之於無何有之鄉也充之而猶廣六 者莫若反求吾心心之為物莫知其鄉得其莫知之 夫物以有用為用用之小以無用為用用之大狸社 牛至大不能執鼠逍遙無為全其形生之譬也聖人 之於道體之以深根固蒂則其為樹也大矣欲樹之 則謂之有逢之心也宜矣惠子未悟又以大樗為問 跳梁死於網罟不能無為而以智巧殺身之譬也簽 湖也今子有大器不能浮之於大處而患其無所容

大臣日本心書 南華真極義海藻做

とことして つき 樹之成都受而全之實五石喻充以五常以威水漿 清淨可為萬物鑑也其堅不能自舉五常在身不亦 林疑獨註魏王貽我大敬之種喻天遺我虚中之性 惠子雖至聰明未能割心去知以至於未始有物則 馬後之疑者可思而得之矣 於道不能無疑故莊子於無用無情之說而致其辭 虚静之而萬物莫撓逍遙其側寢卧其下未始須更 離也則所謂大而無用者安所困苦而子患之乎蓋

重乎割以為縣則分而為二級落無所容以為無用 為猶因大敬之形愿為大樽而浮乎江湖而反愛其 **勢之用猶人不能盡其性也故引宋人不龜手之樂** 無所容耶未盡性則不直達故云有達之心惠子復 而拾棄之一喻性散而不能全亦莫不瑩然在目遂自 以大樗為問擁腫卷曲聚所同去以譏莊子之言大 以明所用之異人有虚中之性當充以逍遙任其無 以為不可復而弗悟其為情所奪也今子不能全大

とからかくずり

南華真經義海縣微

金ましたノニュ 陳祥道註物有所宜事有所適患不善用之而已不 遙無為不天不害此神人所以為大祥也 猶人之有正命也何不寡之虚無廣莫之地任其道 本也何有言其虚無廣莫言其寬大今子有大樹亦 殊而長於用者不免有所因苦是以聖人全其命之 而無用遂引狸往簽牛以答之雖小大有異敏鈍亦 其本而萬事理易曰貞者事之幹此又幹之所以為 根本而體道以為用樗者深其根而枝葉榮命者固

用大者或批於其難而處之以功非因性任理去達 物小者為用易大者為用難而人之情用小者常工 浮於江湖則不勞而自舉無適而不宜矣凡天下之 圓而善浮真之於地則失浮之性而其堅不能舉剖 亂息大瓠之用豈異是哉瓠之為物中虚而善容外 以為歌則毀圓之體而勢落無所容若夫處以為樽 龜手之樂一也宋人用之其利小吳人用之其利大 弱七國之份一也晁錯用之則福興主父偃用之則 南華真經義海察做

金牙正匠人言 者豈可同日而語哉 樹之無用之地則樹之者得以彷徨逍遥而為樹者 答以狸独小而有用不免於禍養牛大而無用物莫 陳碧虚註物有不適世用者或便搭棄之是未明無 得免介谷之患與轉徙於利害之塗而掊擊於世俗 之害是有用之用不若無用之用也大樗無用矣又 況之大樗是知有用之用而不知無用之用也莊子 心之界者孰與於此惠子又以莊子之言大而無用

趙虚齊註惠子以大敬大木為無用而發問莊子以 而節其文 不格達兹趣者何往而非善遊哉王零註大同疑獨 遙貴其飛翔自適結以瓠樗以無情逍遙要在不天 能之速禍愚鈍之全身久矣夫前論鵬點以有情道 用之用也故物無小大精粗在人善用繼又寓言大 不龜手與魔牛答之以明無用之用也 樗再釋無用狸牲以輕脫中機嚴牛以無找全質才

金星四月至書 林氏屬齊口義云轉浮水壺緊腰可渡中流失船一 造化自然至道之中自有可樂之地雖無用於世而 壺千金謂此莊子既以不龜手之事喻其不知所用 禁頡卒中機網簽牛大而無技亦可全生調物有大 也惠子又以大榜摊腫譏莊子之言答以狸往小而 乃曰有此大瓠何不思為江湖之浮達心学塞其心 福害亦可幸免矣 小所適不同不可以大者皆為無用也無何廣莫言

或相什伯或相干萬者在人善用不善用之問耳 或棄於今而用於後此出於人為非物所能必也 時之逢材不材又其次馬故或用於告而棄於今 用大遂以不龜手之事喻之物本一也而其貴賤 所以為用哉宜惠子怪而有問也莊子知其拙於 王之勢異於凡種見者張皇點駭之不暇又惡知 觀夫努狗之陳未陳脫肢之散未散可見矣況魏 褚氏管見云造化生物盈天地間有用無用係 南华真型、人類系统

我定匹库全書 濟深利涉與舟楫同功則大瓠之無用適為妙用 類之物亦造化問氣所鍾其無用也意或有待既 矣以惠子之多方而不知出此逢塞其心也夫惠! 大而不可剖為室家之用當思全而為江湖之用! 其大用而又揺擊暴殄之何斯瓠之不幸耶凡出 石之瓠樹之成也豈一朝之功今則非惟不能成 多拙於用大人或安於守大則所與可知矣夫五 人多工於用小世亦甘於就小則所成可知矣世

逍遙遊為數紀宏博引喻高遠解源浩漫意趣卓 乎逍遙遊之本旨也 失果何如哉今子有大樹不能樹之於無用之地 對以裡往點惹死於機碎緣牛無技幸全其生得 命於虚玄超有為而入無為以不用而成大用無 深情故因其問而救正之使脫形器之桎梏保性 子猶以大榜擁腫不中規矩幾莊子之大言無用 以全道遙之樂而乃及憂正者之不顧此南華所 つと、年 見、七年大人 15

赵定正库全書 夫赤子之心本無知識識隨形長物接吾前得失 者與物同乎一天理性得而不逍遙者未之有也 究微之捷運也伯秀不揆荒無縣陳管見復於篇 存懷冰炭交作舍被投此無休歇期偷非燭理洞 遊真所謂超聚義徹重關解粘釋複之洪規通玄 末為之統論云循至理者以道通乎萬事全正性 絕使讀之者若御冷風而登汗漫忘世累而極天 明道義戰勝雖居至貴至富亦有所不免馬故學

來涵養既久體神合變出陰入陽其用莫測饵去 者見聞被陋趨向細微罔知性海之淵澄併與命 珠而淪失遂舉此大物生於大處以明己之所自 道之要先項求聖賢樂處切身體充方為得力易 北冥之紀化而為鵬搏風擊水徙於南冥蓋謂學 己之天出處動静無適非樂斯可以論逍遙遊矣 地原憲行歌而聲出金石此皆超外物之累全自 云樂天知命顏氏簞瓢自樂孟子養浩然而塞天 南 卢真 壁、一葵、、火

録定四庫全書 為多及肩吾聞言於接與發揮神人之秘以喻身 意啓廉遜之風警省後人絕務外之慕裡益治道 中至靈務操存涵養以致之初不在乎遠求也塵 無窮然後為逍遙極致所謂至神聖者亦混融俱 何世界之能及哉故必至於乘天地御六氣以遊 物之可輕已天之當重將見培風絕雲與化無極 化而已功名皆外物矣堯讓許由童所以證成前 知効一官行比一鄉德合一君而徵一國者悟外 卷一

往見四子貌姑射之山中存妙理難以臆度必須 組賜明鳩靈椿朝首知年小大皆窮理之談末舉 猶足以成唐處之治而其真則非世人所知也充 於命學道之大成而入乎神者也不疾而速不行 大瓠以虚中自全大樗以深根自固喻盡性以至 而至何往而非逍遙遊哉 親造姑射四子當不言而喻學者勉之是篇首論 垢粃糠陶鑄·堯舜言神人之德與天運推其緒餘 · 一一便 吃臭 於 故

動好匹庫全書 真經義海篡微卷

欽定四庫全書 南華真經義海暴做卷三

詳校官監察御史臣印庭澍 檢計日何思釣覆勘 校對官學正臣李 嚴 總校官庶古士臣 倉聖 脉

騰銀監生 日子希賢

而問之也今者吾喪我女知之乎女聞人翰而未聞地籟 77.77 前日何居乎形固可使如稿木而心固可使如死 養隱死而坐仰天而嘘塔馬似喪其耦顏成子游 - 17 南華真經義海察数 隱几者也于暴口偃不亦善子 褚伯秀

琴琴乎山林之畏住大木百圍之竅穴似鼻似口似耳似 子游曰地籟則眾竅是已人籟則比竹是已敢問天籟 塊噫氣其名為風是唯無作作則萬竅怒號而獨不聞之 金牙匹是人 子綦曰大吹萬不同而使其自己也咸其自取怒者其 大和厲風濟則衆竅為虚而獨不見之調調之刀刀乎 者实者咬者前者唱于而隨者唱唱冷風則小和飄風則 析似图似的似洼者似汙者激者喝者叱者吸者叫者調 女聞地籟而未聞天籟夫子游曰敢問其方子綦曰夫大

誰那 SUNDISE LIKE 竅之怒號聚木之異竅聚竅之殊聲莫不稱其所受 額見矣大塊噫氣豈有物哉天地塊然而自噫耳萬 高下萬殊之聲而所禀之度一也咸其自取天地之 既喪矣何物足識哉簫籟參差官商異律故有短長 郭泉註同天人忘被我故嗒然解體若失其配稿木 吾所不能一也其於無心自爾吾所不能二也夫我 死灰言其寂寞無情止若枯木行若遊塵動止之容 南華真經最海藻微

金がケロルノニー 宣蒼蒼之調哉 也天籟者宣復別有物哉即人籟地籟接乎有生之 調調ママ風欲止而微動貌已上既明人籟地籟子 為無我則如搞木死灰不足異也子游不知我之所 吕惠卿註人之所以有其形心者以其有我而已尚 我既不能生物物亦不能生我自己而然謂之天然 類會而共成一天耳夫生者塊然而自生非我生也 游遂問天籟子綦曰吹萬不同而使其自己此天籟

というこことにす 明 南華真理義海藻做 未當聞見也以其所常聞見則天籁可知矣 言地籟之作止汝之所常聞見而心之起滅汝之所 有我而役於其心形之時邪曰而獨不聞獨不見者 空虚無有也我之所以為我者亦然萬竅怒號何異 存與喪未始不在我也比什之為物人皆為之知其 亦察矣蓋昔之隱几應物時也尚知我之所自起則 自起以為形心所役而不得息不知何居而可使至 此也然於塔然之間知今昔隱几之不同則其觀之

金牙里位人 林疑獨註風出空虚尋求無迹起於靜而復於靜 於無而歸於無惟竅之所受不同在人之所聞亦異 陳祥道註人類出於使然天類則有自然者存而尸 無寒者非風所能入列子所謂疑獨是也 風不能鳴則萬竅虚化不能役則萬物息若夫無聲 大同林說 比於萬物禀受亦然衆竅為風所鳴萬形為化所役 之者誰邪咸其自取怒而已夫日晷有常度爱喜者 王寒註

一次主马車全事 典也 猶人坐忘時也萬竅怒號猶人應用時也惟其竅穴 虚而已即虚以觀物物無不齊即實以觀物物無不 為天籟也風以虚而善入竅以虚而善容籟者出於 有異所以聲籟萬殊蓋亦出於自然耳詳夫三籟之 陳碧虚註天地之有風猶人身之有元氣是為無作 俱馳風之吹萬不同而咸其自取豈異是哉此所以 視之有長短之異月行有常與往來者視之則東西 南華真殿義海集微

古言詩為有聲畫為其能寫難狀之景也未當見畫 林氏儒齊口義云莊子之丈如此一段妙中之妙者 生即續之天也所謂真军真君亦此意耳 日夜相代不知所的的者生之始旦暮得此所由以 中不可得而聞見此地籟中之天籟也人籟亦猶是 趙虚齊註聲出衆竅誰實怒之蓋有聲聲者存乎其 自然歸理坐忘之冥極者也 而非比竹所能盡故後章喻以知言夢覺喜怒哀樂

次 世四軍全書 却就筆端寫出此所以為妙 得聲出來自激者至咬者八字八聲于唱又是其相 和之聲也天地問無形無影之風可聞不可見之聲 喪我知其為吾則心不應如死灰是有真我存減 也心固可使如死灰乎及問之也子秦日今者吾 褚氏管見云編考上文形固可使如稿本正言之! 動不減照之義子游請問其方答以大塊電氣持 證以地籟而已泊再請子綦乃曰吹萬不同而使 南華真經義海裝做

鼓在懸不侍扣而後知昧者泥夫形相之起減是 變形諸言動者皆是不必見於聲而後為額也君 為天君籟即吾心之用凡所以致知格物酬機應 橋心不可灰之為真我而弗悟此即顏之天也心 其自己也至此始泄天籟真機惜乎子游知形可 可端拱無為不可一日失位心可寂静無思不可 以聲聞有問斷耳人類地賴有動有寂天賴自然 一時泯滅心雖無聲而有聲聲者存乎其中如鐘

構滑神勞精而病物之不齊是猶抱新而止火也 杨是也亦自然之稱又云天也按本經大塊載我 諸物始終各契於本源小大皆均於一致安有不 言非吹也言者有言是矣百姓日用不知與接為 學者偷能反而求之得其歸趣則內揆諸身外觀 超平動我而有真宰真君實聲聲聞聞之主後文 齊者哉續考大塊之義郭氏謂無物成法師云造 以形列子云地積塊耳釋之以地義或近之詳此 南午在亞美每底收

銀定正母全書 大知開開小知間間大言炎炎小言營詹其寐也魂交 茂馬大而飛屋找木推山立海此奮發之暴戾者 及其機停籟息寂然歸無則向之鼓舞者安在其 化於斯所以鼓舞萬物動湯根發而使之數舒長 猶索篇字是也闔闢之機陰陽之本一元之氣運 所謂大塊似指天地之間噫氣即道德經所謂其 人精思而善求之 人以此喻心之起減實為至論而所以起減者在

亦近矣而莫知其所為使若有真宰而特不得其朕可 子旦暮得此其所由以生乎非彼無我非我無所取是 近死之心其使復陽也喜怒哀樂慮歎變熟姚佚格態 惴惴大恐緩緩其發若機括其司是非之謂也其留如 樂出虚然成萬日夜相代乎前而莫知其所的已子已 之所為之不可使復之也其厭也如緘以言其老渔也 祖盟其守勝之謂也其殺如秋冬以言其日消也其獨 其覺也形開與接為構口以心鬪緩者害者客者小恐 南華真理義海察世

成形不亡以待盡與物相の相靡其行盡如馳而其之 |直君存馬如求得其情與不得無益損乎其真一受其 行已信而不見其形有情而無形百骸九竅六藏販而 臣妾子其臣妾不足以相治子其處相為君臣子其有 之然可不謂大哀乎 能止不亦悲乎終身役役而不見其成功滴然疲役而 存馬吾誰與為親汝皆悅之乎其有私馬如是皆有為 不知所歸可不哀邪人謂之不死奚益其形化其心與

其自爾而非偽也凡得真性用其自為者知與不知 皆自若然知者守知以待終愚者抱愚以至死逆順 妾矣夫君臣之分若天高地卑指於自當真君則任 然而莫不皆存吃之則有所私上下相冒而莫為臣 信已可行情當其物形不别見則百骸九竅付之自 衰殺日消弱而遂往性情事變日夜相代若有真宰 而不得其朕迹明物皆自然無使物然也今夫行者 郭泉註夫知言寐覺之不同交接恐怖之異態以至

-CANDIDE AND

南華真經義海察微

金人正をと言 與死同此又哀之大而人未當以為哀則凡所哀者 者亦可悲矣而人未當以此為悲性然故也物各性 相交各信偏見您其所行莫能自及此比聚人所悲 有緩害客之不同也好惡藏於中而物觸之則其發 然又何足悲哉然則終身役役齒然疲困雖生而實 吕惠卿註開問間明量小大之不同也寐覺接構 不足哀也 若機括名節臨於外而物引之則其留如詛盟是其

夫器之小大趣欲向背淺深之不同不乃似畏住家 前而不可得不乃似風濟竅虚調調つつ而不知所 **穴之異形乎開間經临喜怒哀樂情狀之不同不乃 蒸之成萬日夜相代莫知所的乃天籟無為之為也** 深不同也喜怒哀樂至姚佚啓態則其情狀發見之 趣之向背不同也殺如秋冬至莫使復陽則欲之淺 不同凡此皆吹萬不同而使其自己也如樂之出虚 似怒號于鳴之異聲字樂之出虚蒸之成菌求其所

南華直經義海察微

金牙四位全書 歸子由此觀之則我之為我者安在形安有不如楊 無所獨親則皆為臣妄莫有君之者臣妄不足以相 當有在也人之一身無不愛則百骸九家無誰與親 是知其莫知所尚而以心契之者也不得其朕不見 見唯略然喪我以心契之斯可且慕得此所由以生 木心安有不如死灰者乎夫天籟之難知真君之難 其形則不得其所為使而過索於形骸之內知其未 治則遞相為君臣非真君也於形骸之內求其所為

使者不可得則有真君存馬可知矣人莫不有真君 勝其精氣之殺如秋冬搖落其沈溺利欲不能使復 林疑獨註以至約之心關至多之物終亦疲潰而後 之於善也自上大炎炭開開至姚侠啓言態皆論不 其發不可追詢盟言其守不可奪逐於是非係於守 已續者敬之淺審者敬之深家則尤深者也機括言 無心之所得近非有心之所得遠故也 不為求得其情而加益不得其情而加損何則被非

大之日和全村 南華真經義海幕做

真字則我不生非我則真宰之名無所取真君出命 莫知所生之始旦暮得此以生而不知所以然也非 出於無聲蒸成菌則形生於無形日夜相代子前而 能見獨者為陰陽所役有此情態萬殊樂出虚則聲 陰陽內外可以神會不可象求性命之至情待真幸 任其自然尚不能忘而爱之則有私親於其間所悅 而後行而真宰之形不可見也夫人之百骸九家宜 而無為宰則承君之命而有所宰制其為物也不屬

中其變無極而真君固不亡世人偶得為人還至於 陳祥道註夫以知言應於外屬恐攻於內則其發有 與心化則亦已矣可不大哀乎 有我而不知有不亡者與物相の相靡縮然疲役形 真老子云絕學無憂言求無益於得也夫物在造化 者為君不悅者為臣妾臣妾不足以相治必有真君 役用而不自知也如求得其情與不得無益損乎其 以治之真君者無為而居中虚之地百體九竅皆為

次定日中全十一 南華真經義海茶做

臣妾者事人而不足以相使遞相為君臣則不能無 遠矣而莫知其所萌即彼我而觀則亦近矣而莫知 變日夜相代乎無窮之中即形聲而觀所以形聲者 是非之累其留有守勝之敬消殺其德而至於不可 目視耳聽手執足行吾皆存之而已又熟親私之哉 所為使故若有真宰而不得其朕真宰道之用也夫 復厭塞其心而至於不復陽則喜怒哀樂唯物之感 而已豈知所謂逍遙哉樂出於虚然而成菌陰陽之

こうこと 鳴吹萬不同也發者方動之初有機馬留者既動之 趙虚齊註知言寐覺接關害客酬酢萬變猶風作賴 莫大於心死是也 奚足有彼生生之學者有之而不亡與物轉徒於是 得無益損乎其真夫操有時之具託無窮之間則形 然者有尊君存馬凡此皆人之固有求得其情與不 非之塗至於形化而心與之然此哀之大者所謂哀 為有真君存馬則未當有為當視之時目為君而使 南華真亞克英處是

金好山んな書 存馬旦慕得此所由以生即獨之天也非彼無我中 蒸成所以明十二者之咸其自取也情與物接起伏 平聲音顏色是孰使之然那情見乎樂由虚出菌由 後有守馬豐者殺長者消己之漸也入而不出閉而 相因不知其所生之始凡有生於無無之中有主宰 此所謂使其自己也喜怒至啓態十二者發乎情見 不開至於酒竭歸盡已之終也厲風濟則衆竅為虚 庸謂不誠無物然非物無以見誠故曰非我無所取

草木俱腐是可哀已 而性不亡世之人颠冥於是非利害而不知止甘與 也得與不得其真無所加損人受此以成形形有盡 之謂之仁求得其情也百姓日用而不知不得其情 親其有私馬言其中必有真君然後能統之仁者見 無端之可尋性者率性而行情者性之已發性則無 形之可見也人之一身百骸九竅不能相統吾誰與 此言幾於道矣不知誰實使之若有真宰存於中而 **与库瓦里气更奏段**

|新定匹庫全書 **鬳齋口義云大知之人從容自得小知之人計星算** 弃客者深思一線不露此言世之應物用心者皆憂 兩大言炎炎有光輝也莊子之意伊周孔孟皆在此 句自帝王至庶人皆在内言人夜則安寢平旦遇合| 之間便有應接役心如戰關然即盖子所謂旦畫之 此一句内魂交则神集於心形開則四體皆動此两 所為有枯亡之者是也緩者緩緩不切害者語存機 一句內小言詹詹瞻前顧後百家小說市井之談皆在

かいつい Litio 南華真經義海藻微 苦畏懼不得自在所謂小人長戚戚是也孔子謂小 樂之出虛氣之蒸菌皆造物使之是為吹萬不同也 世俗之用心喜怒等十二字又形容其狀貌變態如 日夜相代言造物往來而莫見所起之處旦暮之間 回此等人身雖暫生而心已不可復活也已上形容 人有盟祖然用心憂勞日消日樂意有所獨一往無 主於是非如射之謀中的好勝之心自守不化岩與 人戚戚莊子之意則謂堯舜周孔皆為戚戚矣議論

金タロノノコー 使於造物者人實不知之真宰即造物治有者不敢 職人皆備此吾何所獨親而私喜字如頭養手搔則 實即已信也自日夜相代以下言造物之所萌雖在面 所為必因人而見如此論之若近而可親而所以見 前而人不可見欲人於此者意點檢也百骸九竅六 行信乎有之但不見其形故莫知所為但以情言其 不過得此而生此指造物非造物則我不能生造物 以為實有也不得其朕即是其知其所明造物之所

得所謂真君者初何如損乎人受形造物相守不亡 其一生如駒過隙滿然渡役可不哀邪其形化者從 待此形歸盡而後已而不能委順乃為外物所沿盡 物為真君矣如此尋求欲見到實處然見得與見不 之主宜以為君心又不能自主而主之者造物則造 役之者為君百體之君臣既不可定名則心者一身一 足以相治手足耳目鼻口互相為用以受役者為臣 手為頭之役目望是行則是為目之役者臣妾也不

State of the

南岸座距義每察故

人五とうしてん人でいる 衰得白從白得老形表而心亦疲是其心與之然也 不可謂大哀乎重數其不可復救 態八字真人矢口成文他書無所見諸論多不及 變熟之義尚欠發明今擬解云變則輕躁而務作 為熟則畏懼而不敢動無盡經意云又疏姚則輕 獨成法師疏云慮則預度未來歎則容嗟既往變 則改易誓事熟則屈伏不伸據應數疏釋誠善而 巴工集解詳明兹不復養其問慮數變熟姚佚格 卷二

所有哉由厭獨物欲情識顛倒忘其所不忘不忘 火凝冰是以形化心俱日消而近死也然此宣性 條減何足以介浩然之懷當知有湛然寂然者亘 其所忘譬夫樂之出虚蒸而成菌幻塵泡影修起 未稱上文令擬解云姚則悅美以自肥佚則縱樂 之徇物忘己者一體之中有此異狀計得處失焦 而忘及啓則情開而受物態則驕於而長做言人 浮快則奢縱啓則開張情欲態則驕盜妖冶似亦

A DIVINE TO COLOR

南華真經黃海藻微

全サガエルノット 取者有之愚者與有馬未成乎心而有是非是今日適 夫隨其成心而師之誰獨且無師子奚必知代而心自 人之生也固若是芒乎其我獨芒而人亦有不芒者乎 清常静則雖身處置途神超聖境何世累之能及 古常存而此擾擾特其變境塵緣偶遇識破即空 所以解胎根於厚地襲氣母以先天不將不迎常 及完我之與物原於本無暫寄世間姑酬宿業思

これ」うった」」「南華真經義海察数 被物無非是自被則不見自知則知之故曰被出於是] 音亦有辯乎其無辯乎道惡乎隱而有真偽言惡乎隱 能知吾獨且奈何哉夫言非吹也言者有言其所言者 其所是欲是其所非而非其所是則其若以明物無非 小成言隱於榮華故有儒墨之是非以是其所非而非 而有是非道惡乎往而不存言惡乎存而不可道隱於 特未定也果有言耶其未皆有言耶其以為異於戲

越而肯至也是以無有為有無有為有雖有神馬且不

窮是亦一無窮非亦一無窮也故曰莫若以明 乎哉彼是其得其偶謂之道樞極始得其環中以應無 亦一是非此亦一是非果且有彼是字哉果且無彼是 方可方不可方不可方可因是因非因非因是是以聖 是亦因彼彼是方生之說也雖然方生方死方死方生 人不由而照之于天亦因是也是亦彼也彼亦是也彼 郭象註今夫知者不知所以知而自知生者不知所 以生而自生故曰天下莫不芒也人心之足以制一

金グレアレノ主

卷二

to be a line 自當以身代不成非知也心自得耳故愚者亦師其 身之用者謂之成心自師其成心則各自有師付之 所說故異於吹我是彼非以為有言邪未足有所定 成心未有用其所謂短而舍其所謂長者未成心而 不能無故至人兩順之理無是非而思者以為有此 有是非猶今日適越而云昔至明夫是非者羣品所 以為無言邪據此已有言言與嚴音有辯無辯亦未 以無有為有惑心已成雖聖人不能解也言者各有 南子在屋、皮每至人致

新女正人全書 存皆可也小成榮華自隱於道而道不可隱則真偽 馬不在言何所隐蔽而有真偽是非不知此道之皆 者非是所非者非非然物皆自是故無非是亦物皆 是非者行於崇華而止於實當見於小成而減於大 可定是天下之情有不必同而所言不能異也夫道 全也儒墨更相是非各私所見今欲是儒墨之所非 相彼故無非彼無彼無是以所玄同物皆不知彼之 非儒墨之所是不若以儒墨反覆相明則知其所是 卷二

者方自以生為生而死者方自謂生為死可不可也 今以是非為環而得其空則無是無非故能應乎是 未果定也是非相尋及覆無窮調之環環中空者也 亦然故儒墨之辯吾所不能同至於各真其分吾所 所見而自知其所知自以為是則彼以為非譬之生 非是非無窮故應亦無窮也 不能異因天下之是非而是非無不當也是亦彼也 則我為彼所彼彼亦是也則彼自以為是彼是有無

金 一年全書 隨其成心而師之誰獨無師乎奚必知代其故智而 耳成心吾所受於天而無虧者故足以明真是非尚 我不得其成心所以獨坐至人者固不芒也人誠能 者至人之心其静如鑑非有待而然得其成心而已 吕惠卿註我與物敵形與心化而不自知芒昧之甚 為物所虧則所謂是非者未定也是非本無而以為 有雖馬之神猶不能為方將吾奈何哉言非吹也言 心自取者有之愚者與有不芒而可師者不知求之

則何往而不存知言莫非道則何存而不可然有不 非道則言亦道也言惡乎隱而有是非知道無不在 定則有言之與未當有言其異於酸音不可得而辯 者有言是為物之所吹非吹物而使之者所能故言未 存不可者以道隱於小成而不知大全隱於崇華而 也道無不在則言莫非道道惡乎隱而有真偽物無 所是則莫若以明明者復命知常之謂也乃今儒 不知本實由是有儒墨之是非欲是其所非而非其

C. Din Z.Li 事華真殿義海寨做

金ケックノラー 定體無定體則無非彼無非是矣自彼則不見故以 之正若釋知回光以明觀之則物所謂彼是者果無 墨之是非不離乎智識而未當以明故不足為是非 物之方生也求其所以生自何來其方死也求其所 生而方死者以死為生是以無有為有也自道觀之 是本無定體也而世以為有被是猶方生者以生為 彼為彼自知則知之故以己為是在彼之論亦然則 以死自何去知死生之一體則方生乃所以為方死 卷二

7 A. 10 . 20 2.12 造盡心窮神復乎無我則其體未皆有異也因是因 方死乃所以為方生可不可也亦然此皆吾心之所 因是也以此為是彼或以為非以彼為非彼亦自以 照之于天然吾之所照持因世有是非者耳故曰亦 所敬而不自知耳聖人則不由是非之塗忘懷息慮 林疑獨註人生芒昧之中非無不芒之真性也為物 則以明之謂也 非因非因是更相為用而已聖人不由而照之于天 南华真經義海廉沒

者運轉開闔之機環者虚而未離乎形樞之體圓而 為是彼之與此各有一是一非莊子欲明其無彼是 陳祥道註人心固清明於水火與物相馳與形俱化 用所以應無窮也非天下之至明孰能與於此 動妙有也環之體圖而靜真空也妙有真空相資為 文忘其所以彼是彼是不得與我為偶此謂道樞樞 而不定其所以然故記以果且有無之語既忘彼是 而至於芒乎無知者無覆明之耳蓋芒者人也不芒

さんこうじき ノネラ 奚必知者為然未成心而有是非是以無為有崇華 是是非而全於知有是非非之心而役之則是非非 道尊之則君以道求之則師有是非之心而師之則 其言雖有神禹且不能知況非神禹乎夫人之心以 之變知代而心自取道則知者也人皆有成心可師 則冥與道契異必知代而心自取者有之代者陰陽 者天也善養心者不以人滅天存其不必者而已人 之生也天與之成形道與之成心隨其成心而師之 南華真經義海寨做

金子正正ノコー 者其言吹出於自然而無所停言出於有辯而無可 於崇華小成則不冥於大道而真偽所以生榮華則 請戲音不出於所唱而猶有辯言始於有言而卒於 是而歸於愚古之人始乎師心而卒乎忘心師心則 **酸音道惡乎往而不存而不可則言固無隱矣而隱** 無言故有異於吹辯始於有辯而卒於無辯故異於 是非所以彰忘心則是非所以泯也夫言非吹也言 不要於實致而是非所以著令欲是儒墨之所非而

けいらはいまし 陳碧虚註人之生也皆以欲惡蕩真是非滑性老昧 善應握得環中以為運轉萬物得極以為之應所以 是而照之于天因是也極所以轉運開闔環則圓虚 歸於真是非儒墨之所是而歸於真非即人不由彼 獨無師人人自有師則不須賢以代不肖也若以成 付是非於兩行而無窮也 而不明至人超然生死妙理昭明宣有芒味者乎夫 不師道法古而執己見謂之成心若隨成心師之誰 南華真經義海集做

金グロルノニー 云先至理本無而强謂之有因是有而有有莫窮雖 此持勝故無定言言者所以宣意吹則無義可取若 同於道失者同於失也心未成而有是非越未適而 心自取而為有所得者則愚人黨與亦衆矣故道者 有言化羣品何往不通大道發有仁義小成之謂也 真偽至言未當晦而語者有是非道人無問何適不 至德神人亦不能知其所以吹猶鳴也故與言異被 以不義取言其與戲音何異大道未當隱而學者有

てんしのこれ ノ・トラ 死是以聖人照之于天不由於人亦不得謂無因是 墨自知則知之翟之守墨出於自勝緩以儒自是亦 自勝故也自彼則不見知緩之成儒不見彼翟之為 所非而非墨者所是其若及覆相明而彼此是非兩 之所是墨之所非墨之所是儒又非之今欲是儒者 因有翟而已彼此是非亦猶方生者貴生方死者樂 行矣物情本無非彼因其對偶故也本無非是因其 智慧出有大偽榮華之謂也儒學周孔墨宗夏禹儒 南华真超美海藻做

趙註芒即役役不知所歸知所歸則不芒矣成心子 用要在環中以應無窮若乃道之極則以理轉物雖 則其得其偶謂之道樞樞者中空轉而不滞戶樞之 也被是各一是非而求其果且有無歸於忘言之極 不通人皆有是心矣必他求師邪代者晝夜生死之 思所謂誠者自成也此本然之性能盡其性則無所 天地之大萬物之多無有能對道福之妙者矣 理人能師其成心則此理自明異必求知如子路之

金少工店人

1. 1. 1. 1. 1.1. 乎其中則未當有異言者有言謂欲言未言之間故 未定果有言邪則其言未出未當有言邪則其言將 聲戲音鳥子欲出卯之聲三者不同而有聲聲者存 偽之存辯言無不可而有是非之分儒墨互相是非 出於此之時不可得而辯猶殼音也道不存而有真 妄人也雖聖人亦無如之何言心聲吹風聲與比竹 其自取於心耳理未明而先有是非以無有為有此 問鬼神與死是必欲知代也故孔子答事人知生欲 南华真理義每蘇致 五

非明莫辯也物無非彼無物非是是天也彼人也自 要樞者處中而運外酬酢萬變如環無端惟知者知 相異其得其偶者離彼是有無而獨立此乃道之樞 因其是者是之而已彼是相因有無相生皆不能以 是非之塗其之能辯聖人灼見是非之理要亦不過 形也彼是方生之說有無動静相生也世人昏迷於 被出於是有形生於無形也是亦因彼無形依於有 人而求之不可得而見自知則知之知性則知天矣

CALLONIA LAIN **属齊口義云芒芒然無見識貌天生蒸民有物有則** 師誰獨無之知代古賢者之稱代謂變化言其知變 豈如是乎成心者天理渾然而無不備若能以此為 雖聖人亦不能晓悟也吹萬不同皆聲而已聲成文 强别是非猶今日適越而昔至本無所見强以為有 化之理自取言其有所見若未能見此渾然之理而 天理未當不明以人物昏蔽故至於芒昧知道之人 南華真經義海篡微

金万正た人書 謂之言則非吹比言者有言各宣其意此四字便是 是非道則小大精粗皆存言則是是非非皆可小成 故云未定殼音未有所知亦由是也道本無真偽因 是非之論所由生其所言者出於汝邪出於造物邪 須燭以自然天理物我對立而後有是非故曰彼出 至言隱矣自此而有儒墨相非之論若欲一定是非 謂小識偏見祭華者自誇詞而求名偏見之言勝則 何隱晦而有此真偽言本無是非因何隱晦而有此

A JAJOUS LILIS 理而已 如環中之空而應物無窮是非各無窮亦照之以天 相離不若因其所是而是之聖人所以不任一偏之 見而照之以天理混彼我而一之為得道之極要殆 於是是亦因彼亦猶生必有死死必有生二者不可 者是非分别之所自的不可以善言之也愚當侍 未成子心而有是非是今日適越而告至則成心 按諸解多以成心為善或以成心為否考之下文 南華真經義海篡做 Ī

金歩したノミュ 哉其論精當足以盡祛前感再行餘意軟陳管見 性混融太虚同量成心則已離乎性有善有惡矣 之於未成之前則善惡不的是非無朕何所不齊 故對物則心生忘物則性現心者性之用萬法之 云夫人之止念非難不續為難能自初成心即師 人處世間應酬之際有不免乎成心即當師而求 而求之於未成心之前則念不續而性可復矣是 西蜀無隱光先生講席竊聆師設云未成心則真

飲定四庫全書 意矣心之為物出入無時莫知其鄉然方寸之所 惡乎關尹子云來干我者如石火頃以性對之物 白主形必有所麗而後見心同太虚則無所麗矣 欲為未有不因物而生者心離也離主火火不能 浮浮然此遺物離人攝情歸性之要道也學者歸 本原一身之主宰蓋不可養無若曰成心則流乎 而求之有餘師矣知字舊音去聲或讀如字以下 且心麗物而為善猶不若無心無為况麗物而為 表二 南華真殿義海寒做

華真經義海纂機卷二 與釋之獨異於聚知代之義諸解不同審詳經意 於道以為成心者也 知代而心自取者正指師心之人以知代用自取 文思者與有證之則音智為當與音預碧虚以黨

欽定四庫全書 南華真經義海暴微卷三

齊物論第二 宋 褚伯秀

杨一馬也可乎可不可乎不可道行之而成物謂之而 馬之非馬不若以非馬喻馬之非馬也天地一指也萬

以指喻指之非指不若以非指喻指之非指也以馬喻

飲定四庫全書 然惡乎然然於然惡乎不然不然於不然物固有所然 長三年真經養海暴微

一為用亦因是也是以聖人和之以是非而休乎天均是 皆怒曰然則朝四而暮三衆祖皆悅名實未虧而喜怒 與西苑恢悅個怪道通為一其分也成也其成也毀也 不知其同也謂之朝三何謂朝三祖公賦等曰朝三而養四聚祖 而幾矣因是已己而不知其然謂之道勞神明為一而 而寓諸庸庸也者用也用也者通也通也者得也適得 凡物無成與毀復通為一唯達者知通為一為是不用

物固有所可無物不然無物不可故為是舉選與盤厲

之謂兩行 彼指於我指為非指覆以彼指喻我指則我指於彼 郭象註自是而非彼天下之常情以我指喻被指則 士皆謂漆園寓言構意而成斯喻遂使解者指歸不 陳碧虚云指馬之喻自司馬彪向秀郭象至有唐名 復為非指矣彼我同於自是又同於相非此區區者 同今閱公孫龍六論內白馬指物二論有白馬非馬 而指非指之就乃知漆園述作有自來也 Ĩ 而非真理是写樣是

然大寧各得其分同於自得無復是非可於已者即 各信是其偏見耳聖人知天地一指萬物一馬故法 謂之可不可於已謂之不可道無不成物無不然各 因而不作故也不知所以因而因謂之道道即一也 於自見而不見彼唯達者無滯於一方寄當於自用 **必齊形狀同規矩哉故恢惋憰怪道通為一夫物或** 然其所然可其所可學夫廷橫楹縱屬聽西施好謂齊者豆 此以為毀而彼以為成我謂所成彼謂之毀者皆生

定天下之真是非故天地雖大無異一指以其與我 是非而照之于天則出乎同體離乎同類然後足以 色為良之辯不離於同類曷足為非馬子唯能不由 出於同體曷足為非指子以馬喻馬之非馬雖有毛 日惠卿註以指喻指之非指雖有名實小大之辯不 偏任付之自均聽天下之是非兩行而已 達者之於一豈勞神哉若勞神明於為一與彼不 無異矣亦同衆祖因所好而自是也是以聖人莫之 一年 三里里 美水

舒定四庫全書 並生而同體也萬物雖聚無異一馬以其與我為一 大美惡固常相反今以道通而一之則其分也乃所 無為而成也物謂之而然非本有而然也其所然所 知其本無有此物之所齊也胡為趨舍於其間哉小 可乃不然不可之所自起而求其為之者不可得則 而同類也則物之可不可其孰自哉道行之而成非 唯達者知通為一故我則不用寄萬物之自用寄物 以成其成也乃所以毀而萬物無成與毀復通為一

林疑獨註是非各執彼我異情以我指比他指則以 所自起有在於是若不知其然勞神明而為之乃所 然而後謂之道道所以通為一者以其小大美惡之 亦因是而已 怒皆悅此羣祖所以見畜於公而公所以龍庫祖也 則通通則無入而不自得適得而近道未可以為道 以為不一也猶朝三暮四朝四暮三不離乎七而皆 以其猶知其然也知是之無體而因之己而不知其 有華在題美母奏致

皆不免於所係真若任物之自然自可縱橫美惡復 謂之而然已以為然而然之已以為不然而不然之 我指為是他指為非今欲息是非之辯及以他指為 主以比我指則他指為是我指為非矣馬喻馬其義 亦然及覆相喻則彼我既同於自是又同於相非是 然者天下之至理也可道之道行之而成可物之物 非同婦於道則雖天地之大萬物之多近取諸身則 指遠取諸物則一馬也夫無可無不可無然無不

寄之常用則無往而不通無入而不自得斯為近道 者物之獨見分木以為器器成而木毀固在造化之 矣道本無通無得為物不通不得所以有通得之名 問耳達者廢獨見而冥至理為是不用而寓諸庸益 散為物其成也毀也有始必有終夫道無成毀成毀 通為一則道無不成物無不然也其分也成也言道 日道也夫神明在身宜任其自然今勞而求其為一 因是而復歸於無則已矣既已而不知其然强名之 節生 是里文英文及

敌定匹庫全書 失之遠矣何異祖公賦等朝三暮四名實無虧喜怒 諸物以明萬物則萬物一馬也蓋天地雖大不離乎 陳祥道註近取諸身以明天地則天地一指也遠取 有體萬物雖眾不離乎有用不離有體則於空中猶 為用世人不通至理者與衆祖同乎喜怒是以聖人 和同乎是非而休乎自然聽其兩行而歸乎一致也 則無體而體以之成無用而用以之備無在無不在 指而已不離有用則於天下猶一馬而已若夫道

物之指元無彼此是非為指物之指強生彼此是非是為 陳碧虚註指者指斥是非也凡人之情皆以此為是 而謂彼指為非若天下無有相指者則物自為物不 指彼為非彼不知非又指此為未是因執此指為是 為人强物指自為指不於此妄指則非指矣且不指 非指也馬固有形色捨色命名蓋言馬耳言馬則天 無為無不為豈一指一馬之謂哉 下之馬一馬也白黑不與馬今求色命馬故曰白馬 南華其豆養谷養設

金元四年全書 求白馬則黃黑之馬去矣是因求色而失其形求色 馬為非斯則以非為是以是為非也大懷是非之心 失形則白馬非馬也若乃時之尚白則以白為是以 而不能齊者指物有彼此忘彼此則雖天地之殊猶 則孰得之然凡順理則然於然無物不然也逆理則 也自其異者視之不可乎不可也非道行之則敗敗 取則雖萬物之繁猶一馬也自其同者視之可乎可 一指也分種類之多而不能一者形色有去取脱去

撰之不為世用而寄諸自用是用之者假不用也知 可而自然冥會也夫物狀萬態形類不同惟道通而 不然於不然無物然也者詣理全當則無不然無不 也若勞神明以為一則如祖公之役知以龍羣祖尊 無毀論毀則無成其於道也復通為一故達者因道 之深者心冥體會而已已而不知其然無因是之迹 不用之用則有得於適己而盡矣猶有迹存馬知道 人之管工之造器計其成器數慮其毀樸我論成則 • 南華真經光海察散

金ケレんと言 故必至於未始有物而後為得也天地異體萬物異 祖之以喜怒為用亦因是也 變固自有可不可然不然者但當宴夫至理不係於 窮若無不該無不過者豈一指一馬之謂乎萬物之 用有體故雖大而均於有在有用故雖衆而均於有 王零註舉指馬以喻非指非馬據此已有指有馬矣 至理合子至理則物之縱横美惡皆為一矣道又散 心而已道無不成物無不然則可不可然不然皆為

アンス・ロ・ス・ト・テー 朝暮雖異而等無增減事變雖殊而心無得失任世 成與毀道通為一也雖然固不發萬物之成毀但寄 情而不數至理未有不同乎泉祖者聖人則知是非 趙虚齊註知指之外别有運動之者則知指之非指 矣若勞神明而為一豈知其同哉故繼以祖公之喻 之常用而不自有耳故無往而不通通則得得則近 之有無而聽其兩行也 而為物終則有始也成毀者物之妄見冥於理則無 南華真經義海察微

者也非指非馬無形者也以有形喻形之非形不若 通則得得則近於道矣因是已已則不特非者息是 别有主宰之者求之於天地萬物之外可不可然不 知馬之外別有驅馳之者則知馬之非馬指馬有形 者亦息是非皆息而猶不知其然是未當有真知而 非雖是亦不用也庸常也常者無用之用所以為通 然縱横美惡恢惋憰怪是非成毀復通為一則無是 以無形喻形之非形也則知天地之運萬物之生皆

高齊口義云指手指也以我指為是指則以人指為 也祖公因衆祖之喜而從之亦因是也 朝三暮四即朝四暮三感於是非先後而不知其同 地職載亦豈可以彼我分乎此言物論之不可不齊 博者之相是非亦然緣有彼我故有是非若天職覆 離形去智以為坐忘非勞而何神即明也明即神也 不可得而定也馬博塞審禮記投壺篇下馬有多寡 非指被非指之人又以我指為非指物我對立是非 南華真經義海寨做

為用隨用皆通通則得得則盡矣人有勞苦神明自 本來有所然有所可既無物不然無物不可横直者 成而木毀知此理則去其是者不用而寓諸庸常以 也凡物無毀則無成無成則無毀如伐木以作室室 謂而然說底便是亦何所然何所不然言物物分上 也可者可之不可者不可之道行而成皆自然也物 為一偏之說而不知理本同者謂之朝三做此二字 各當其分美惡者各全其質皆通而一之歸諸造物

是非之两行也 之名雖異而實理則同但能因是則世自無争而任 以設 喻與方生文法同名實未變喜怒隨之喻是非 者也而真人舉非指非馬之喻可謂善齊物論矣 家之東天地之先亦太極之後此亘古今而不齊 猪氏管見云彼我異情是非互指東家之西即西 指至人之見也非馬之義亦然世之至見少而常 以指喻指之非指常人之見也以非指喻指之非 南華真照義海察散

我好四年全意 萬也其請解之口所異者天下之情所同者天下 見多則天地一指萬物一馬之論又所以重增其 雖大而一指可明以其與我並生也萬物雖多而 免是非非指非馬則超字形數言議之表故天地 婦一理則是馬亦非也蓋指馬涉乎形迹所以不 之理一理可以通萬情則非指亦是也萬物不能 則物雖萬殊融會在我事隔千里契之以心古之 一言可喻以其與我為一也凡得其情而通其理 卷三

之所以虧也道之所以虧愛之所以成果且有成與虧 也其次以為有封馬而未始有是非也是非之彰也道 矣盡矣不可以有加矣其次以為有物矣而未始有封 古之人其知有所至矣惡乎至有以為未始有物者至 無成與虧故昭氏之不鼓琴也昭文之鼓琴也師曠之 平哉果且無成與虧乎哉有成與虧故昭氏之鼓琴也 物之所齊論之所止而非言之極議也數 羣情有大物者得諸此太上云得一萬事 此 南華在亞首每茶段

金江原生 終終身無成若是而可謂成字雖我亦成也若是而不 載之末年唯其好之以異於彼其好之也欲以明之彼 枝策也惠子之據梧也三子之知幾乎皆其威者也故 可謂成乎物與我無成也是故滑疑之耀聖人之所圖 非所明而明之故以堅白之昧終而其子又以文之綸 也為是不用而寓諸庸此之謂以明 郭泉註人而知夫未始有物則外不察乎宇宙內不 覺其一身故曠然無累無所不應其次有物而未有

夫聲不可勝舉也故吹管操經雖有繁手遺聲多 而聲全故欲成而虧者昭文之鼓琴不成而無虧昭 虧則情有所偏而爱有所成果且有無成虧與乎哉 雖未忘彼此猶能忘彼此之是非無是非道乃全道 矣而執無處者欲以彰聲也彰聲而聲過不彰聲 封雖未都忘猶能忘其彼此其次有封而未有是非 文不鼓琴也夫三子者皆欲辯非己所明而明之故 知盡形勞枝策假寤據梧而與賴其威故能久不爾 南華真經義海暴設

早国也三子自以殊於衆人欲使同己所好而彼竟 卒不成若三子而可謂成則我之不成亦成也若是 而不遗令三子欲以已之所好明彼不亦妄乎聖人 不明故己之道術終於昧然文之子又終文之緒亦 無我者也滑疑之耀則圖而城之恢悅憍怪則通而 而不可謂成物與我無成也聖人各真其所能由成 萬物之用用矣放蕩之變個奇之異曲而從之用雖 一之使奪異各安所安聚人不失所是則己不用而

虧而情生爱之所以成也然自達者觀之未始有物 未盡善於道猶未虧也至於是非之彰道所以虧道 是非未能以道通物而能遺物以合道二者所知雖 能即物為道而能以道通物其次以為有封而未有 也知止於此則至矣其次以為有物而未有封域未 吕惠卿註道無不在則物無非道物無非道則道外 萬殊歷然自明也 無物此古之人所以為未始有物能即物而為道者 杨雄真但是每孽数

新好四月全書 也奈何役心於有無成虧之間而欲以為成哉凡光 杨之自功此之謂以明 無成者亦成也若是而不可謂成則物與我卒無成 林疑獨註死生物之至大能無死生則餘物不待無 於明而後止況容有物乎所以為是不用而寄諸萬 耀未盡以滑吾心而疑於有無者猶圖而去之復歸 之據梧明有無成虧之意亦幾矣若是而可謂成則 果且有無成虧乎哉昭氏之鼓琴師曠之枝策惠子

ころこう ころこう 意忘言有在於是古之聖人極高明則寂然不動此 情任其自是自非而無是非也夫道體渾淪本無彼 封未忘死生為有物猶未至於彼此封疆也其次有 有愛則有惡而彼是具馬君子論道本以我虧而言 封而未有是非離俗學道已有封矣猶能知彼我異 有所彰更成分别故准子於此不定成虧之有無得 此是非既立各止一隅此道之所以虧愛之所以成 而自無故以為未始有物者至矣其次有物而未有 南華真經養海察做

金グロたんかいと 物至矣盡矣太初者氣之始而體之者以生為丧以 昭氏之不鼓琴也道中庸則感而遂通此昭氏之鼓 性則滑不窮理則疑耀者光之散也聖人之所圖在 未至然其藝術之威載之末年言終身不悟也不盡 琴也師曠之枝策惠子之據梧三子之知皆近道而 陳祥道註太易者未見氣也而體之者以為未始有 在於覺而在於妄故寄之眾人之常用而能不寐也 死為反太始者形之始而體之者以無有為首以生

たとりをとうう 南華真經光海暴做 離子道故未始有封有封者德也以無有生死為首 言其有無在人以意求之夫不資物而樂天樂也資 體民者已囿於封未涉於事故未有是非道未當虧 失則濡沫與此成毀之所以長相仍而莊子亦不定 而虧於是非之彰愛未當成而成於道之所虧道禁 為體以死為尻盖以生死為丧反者已犯於物而未 物而樂人樂也後昭文師曠惠子之樂皆不免於資 也是非器也器成則撲毀道江湖也愛濡沫也江湖 古

物其好徒異於衆人身之所欲明者卒於似是而非 愛所以成果且有無成虧乎哉昭文師曠惠子之技 陳碧虚註未始有物即遊於物之初謂隱几者也其 性所長者而欲使性短者明之則知盡精竭不能雨 有是非吾丧我汝知之乎是也是非彰而道虧道虧 次有物而未有封嗒然喪偶之謂也其次有封而未 也凡物未嘗無成亦未當有成以俗觀三子之術則 無不成此所以耀矣不光而天下為之滑疑也

ここうえいう 善惡生馬喜怒哀樂未發則未始有物謂之中則未 極也太極則有陰陽是謂有封陰陽分而剛柔有體 趙虚齊註列子曰生物者則不得謂之無無極而太 子之技各有所明矣 亂非常故規畫限域處物之分內而寄諸自用則三 技者也安可謂之成哉聖人以精奇卓異之事為爚 始無物喜怒哀樂封也中節不中節是非之彰也中 得也大意在乎自明自治而已若以明示他人皆鬻 南華真經養海袋做

惠子者我之所明異於彼彼於不足明而明之雖肆 強之 玄終於無成而已如此而謂之成亦可謂之不 虧矣昭文之琴非師曠不知其音惠子之辯非莊子 成亦可皆不係乎其真是故滑亂疑惑之中而明出 堅白同異之辯終於昏昧不明若昭文之子不知無 辯之辯盖未之知也故莊子後之莊子自謂所以果 既發則性動而情矣爱者情之根本有動静則有成 不知其肯三子各造於妙而不鼓之鼓不聽之聽不

TALL SIN SE 我有好惡喜怒便有非是未能回思一念未起之時 起便是有物因此念而有物有我便是有封因物而 **庸齊口義云此一段固是自天地之初說來然會此** 事便見得何常有成虧若能如此體認皆是切身受 馬聖人之所尚也 用先說成虧之理却以鼓琴喻之繼以師曠惠子三 但見骨次膠擾便是道虧而爱成及此一過依然無 理者眼前便是且如一念未起是未始有物此念既 南華真經義海集散 ナナ

所主未當者跡故所見若有若無圖字訓欲聖人之 堅白之名耳滑亂而可疑似明不明也言聖人之心 成堅白公孫龍之事莊子却以為惠子但借其分辯 子之技皆有威名於世以終其身三子之好自以為 所欲者正若此所以去其是不用而寓諸尋常之中 異於天下故誇說以明之而聽者不能晓故終身無 此之謂以明 古之人貴真知而進長知去滯有而存妙有所以

金好匹匠全書

成虧者物之粗迹信能復乎無物何成虧之有昭 有物以室其虚明有封以限其疆域物我對而是 虧枝策謂以杖緊樂據語者隱几談論此師曠惠 文鼓琴之至精以其未超乎形聲度數故不逃成 又重提唱以警省人心俾悟夫齊物之本旨也夫 非彰是非彰而道虧愛成也果且有無成虧乎哉 子之所長各以其能自是至老好之不衰非唯己 保性命之真全自然之道也人心澆滴世道愈降 南華真經義海纂做

好之又將以明彼不度彼之所宜徒强貼以求合 寓之於常道求以漸復其初是謂善用其光而不 身無成明前三子成於技而虧於道固自以為成 亂於世而疑眩耳目故聖人之所圖為此不可用 文之子既虧於枝又虧於道亦自以為是言彼是 之各偏成虧之無定也滑疑之耀謂三子之技滑 以至昧然而終其覺其悟而文之子又以給終終

ある人口のことなり 南華真經義海幕般 也者有未始有始也者有未始有夫未始有始也者有 彭祖為天天地與我並生萬物與我為一既已為一矣 謂乎天下莫大於秋毫之末而泰山為小莫壽乎殤子而 有無也者俄而有無矣而未知有無之果孰有孰無也 有也者有無也者有未始有無也者有未始有夫未始 不類相與為類則與彼無以異矣雖然請當言之有始 今我則已有謂矣而未知吾所謂之果有謂乎其果無 今且有言於此不知其與是類乎其與是不類乎類與

二與一為三自此以往巧歷不能得而況其凡乎故自 金どせんと言 且得有言乎既已謂之一矣且得無言乎一與言為二 無適有以至於三而況自有適有乎無適馬因是已 郭象註今言無是非不知其與言有者類乎不類平 其非又遣其遣遣之又遣是非去矣雖然武皆言之 謂之類則我以無為是彼以無為非斯不類矣此雖 類相與為類與彼無異也將大不類其若無心既遣 是非不同亦未免於有是非則與彼類矣故類與不

則天地萬物彼我是非豁然確斯也又不知吾所謂 未始有夫未始有無也者俄而有無矣而未知有無 之果熟有熟無也此都忘其知俄然始了無耳了無 離懷有未始有無也者知無無矣而猶未能無知有 非具馬有無也者有無則未知無無是非好惡猶未 有始也者必言有終有未始有始也者無始終而一 死生有未始有夫未始有始也者言一之者未若不 ,而自齊斯又忘其一也有有也者有有則美惡是

毅定匹库全書 未有過於秋毫若性足者非大則雖太山亦可稱小 未為有餘形小不為不足足於其性則於毫不獨小 於天然安其性分故雖天地未足為壽而與我並生 對則太山大於秋毫若各樣性分物冥其極則形大 矣太山為小則天下無大秋毫為大則天下無小足 其小太山不獨大其大若以性及為大則天下之大 萬物未足為異而與我為一也萬物萬形自得則 之果有果無爾乃蕩然無纖水於曾中也夫以形相

者無言而自一也 理必於其始觀之故曰有始也者始本無自有此始 始有物者以不知彼我是非之心所自始也欲達此 吕惠卿註夫人所以不能遗彼我忘是非以至於未 正之既謂之一即是有言一與言為二一本一矣言 已自一矣理無所言物或不能自明其一故謂一以 又二之有一有二得不謂之三乎以言言一猶乃成 三凡物殊稱何可勝紀故一之者與彼未殊而忘一

欽定四庫全書 者遣其所遣也夫求其所始者不可得又求其所無 舉出於無也唯能知此則存亡在我我欲無之不起 無所遣則我心之所自起豁然得之知今之所有者 而已故日有無也者然有此無亦未免為有日未始 之而所遣者不去亦不免為有所自而已又曰未始 則有自矣又曰未始有始也者所以遣其所自也遣 有無也者所以遣其無也曰未始有夫未始有無也 有夫未始有始也者所以遣其所遣也既無所自又 古華真無養海葵酯 たこうう 一南華真殿花海幕像 **裁無名天地之始当知此則我亦始於無名也有我** 者亦不可得則其悟在從仰之間胞然自合故曰俄 也夫唯知吾心之所自起則毫未太山殇子彭祖以 至天地萬物其不起於此也則小大久近豈有常體 而以心契之雖然吾今所言亦未始有物也則有謂 而有無矣未知有無之果熟有熟無也使學者忘言 則有天地故天地與我並生有名萬物之母尚知此 無謂吾安得而知之又使學者知夫言之未當有言

者氣形質具而未相離謂之渾淪此道之極致有有 始也者有形而可見見物不見道也有未始有始也 者欲遣其有而言出更自為有遣有歸無以求不類 林疑獨註無言然後見獨見獨然後不類人今且有言 無以異矣然不言則無以悟天下之迷故武言之有 而遣之則更與為類故類與不類復同為類則與彼 則我亦生於有名也無我則無萬物故萬物與我為 「Aへ、」つ· D 人・計つ ■ 南非真經義海藻酸 毫近於無形以太山言之足以為大對無成虧而言 壽對無死生而言彭祖又為天矣近於無生故能與 太山又為小矣獨子近於無生以彭祖言之足以為 世人所謂小大者言其形吾所謂小大者言其道世 人所謂壽天者言其生吾所謂壽天者言其無也秋 而未能忘言不得已而有謂其果有謂乎果無謂乎 孰有孰無哉一陰一陽之謂道陰陽不測之謂神然 也者非妙有也有無也者非真無也未知有無之果

金女田たる言 陳祥道註夫道之在天下無終無始非有非無及散 而寓於物則終始相循有無相生故自微觀之則有 天地並生近於無形故能與萬物為一也 無不在無為無不在不為故古之言道者常處以疑 用以原其體而已夫道之為物無而非虚有而無實 之始無者體始者用也今先以有始而繼以有無即 始未始有夫未始有無斯為至矣老子曰無名天地 始也者有有也者自妙觀之極於未始有夫未始有

1000 道無不在生化無時萬物卓然而疑獨翻然而往復 得無之無也此四者叙道未始有形俄而有無矣謂 至無者也未始有夫未始有無謂宴我虚解梅之不 形未兆泊然虚寂未始有無謂形兆之先沈默空同 道未始有氣有有謂物形獨化塊然自有有無謂物 陳碧虚註有始謂道生一未始有始混洞太虚也未 始有夫未始有始視聽不及虚之虚者也此三者叙 似而不膠於有無所以遣為言之累也 南非真經義海篡設

あけ四母を書 趙虚齊註有始有有皆有也等而上之至於無始無 有既以為無而有我者存則不得謂之無然則所謂 自無適有不可勝窮唯無所適則所謂因是者亦無 與我為一無巨細也機說一即沙有言有言即有數 有無何從而知之乎天地與我並生無壽天也萬物 天地家移轉覺其有無哉有謂無謂未免其迹欲超 乙矣沉於非子 二者其、唯忘言乎

S) 6. 10. 1) 11. 木昆蟲亦與我藹然為一矣 之天地又為天矣天地與我並生於天地之間雖草 天地更大於太山故太山亦可謂之小彭祖至壽比 列子所謂太質太素太初之意又謂若以太山為大 鬳癬口義云有始未始有始未始有夫未始有始即 彭祖直嬰孩耳秋毫雖細而有形之初同具此理 形論不能無限若以虚空性體觀之太山直細物 凡天地之論大莫過乎太山壽真過乎彭祖此以 南華直經義海察致

金少正は全書 得其環中之空休乎天均之分則大秋毫而小太 世人執著之見以開物理造極之機由是而進泰 聚原其所自來蓋未當不一也故及覆至言以破 性何當無上壽者寓天地特形之大萬物特形之 珠容黎土於子納項腦之義可類通矣學者信能 生之失究理之極有誠然者奈何世眼徒見萬物 何當無至大者存殤子雖切而有生之初同禀此 山壽殤子而天彭祖之論非徒嬌流俗之弊救貪

夫道未始有封言未始有常為是而有野也請言其野 静則義黃帝代今日是也聖賢宏傳此心是也復 所謂正言若及可與知者道也 前一指一馬之喻相類雖語若乖宜而理實精到 混融物我同胞同體無問吾仁雄雄熙熙共樂清 赴壑英親其源故真人諄諄訓導使之反完本初 何壽天彼此大小古今之辯哉並生為一大縣與 之迹擾擾不齊而方寸澄明之區與之俱滑如水 有三年 里。又母本、女

矣故知止其所不知至矣孰知不言之辯不道之道者 一常而不成康清而不信勇忮而不成五者园而幾向方 一新定匹库全書 六合之外聖人存而不論六合之內聖人論而不議春 辯也者有不辯也曰何也聖人懷之衆人辯之以相示 也故曰辯也者有不見也夫大道不稱大辯不言大仁 秋經世先王之志聖人議而不辯故分也者有不分也 有左有右有偷有義有分有辯有競有争此之謂八德 不仁大廉不赚大勇不忮道昭而不道言辯而不及仁

膾胥敖南面而不釋然其故何也舜曰夫三子者猶存 其所由來此之謂為光故告者堯問於舜曰我欲伐宗 而况德之進乎日者乎 乎莲文之間若不釋然何哉昔者十日並出萬物皆照 有能知此之謂天府注馬而不鴻酌馬而不竭而不知 郭泉註道未始有封冥然無不在言未始有常是非 有理學分類別逐競辯争器而判之有此八德六合 無定也道無封故萬物得恣其分域左右異便物物 新年是聖号年奏史

好定匹庫全書 勇無所往而不順以道明彼彼此俱失以言分彼不 不見彼之自別也聖人以不辯為懷衆人則辯己所 之外謂物性分之表雖有理存馬未當以感聖人故 言而自別大仁無爱而自存大康無所容其帰盈大 疑乎至當故物物自分事事自别若由己以分别之 不論六合之內陳其性而安之先王之志順其成迹 及自分仁常爱必不周廉激然則非清快迎之勇至 知以示之故有不見也大道無稱付之自稱大辯不

73.17.20.1 今欲奪達文之類而伐使從己於道未弘故不釋然 物之所安無陋也則達义乃三子之妙處若不釋然 其自明而光不凝也告竟欲伐三國而問於舜舜謂 求無已猶以圓學方以魚羨鳥耳故所不知皆性分 何哉十日並出無不光被德進乎日則又無所不照 謂天府都任之也至人之心應而不藏理存無迹任 之外不求强知止於不知之内而至矣不言不道此 下疾之此五者皆以有為傷當不能止乎本性而外 南華真型美海篡战

金グログノー 者可知矣蓋理極則分有不分辯有不辯若欲事事 觀六經之言則聖人之所以論不論議不議辯不辯 至於此是以或存而不論或論而不議或議而不辯 惟有畛故有左右以至於有競争言其不能不德遂 吕惠卿註道無往而不存未始有封也言惡存而不 也 神解若物暢其性各安所安則被無不當我無不怕 可未始有常也由其自無未適有於是有畛域矣夫

懷之而已聚人則辯以相示而有不見也故道言仁 原勇五者皆圓而則其銳則趨於道矣心之出為銳 未代之也未代而不釋然非應物而不嚴物称而後 注不満酌不竭而不知所由來此光而不耀者也免 不言之辯不道之道也天府者有萬不同而至富故 物物分而辯之辛至於有競有爭聖人知理不可辯 欲代宗順秀敖而不釋然三子猶存乎蓬火之間是 圓而判其銳則不以生其心豈家有知於其問哉此 南華真經義與養做

金好正匠全巷 故猶有是論也宗膾胥敖之事史所未聞 舞斯真群也萬物各正性命吾何所施其仁哉大康 林疑獨註道有分者物物自分有不分者我未當分 出者也德進於日其有不釋然者乎言智未進於日 辯也者事事自辯有不辯者我未當辯物自分故分 無隅故無所容其強大勇不快神武而不殺者也凡 以示之故有不見也夫道無不在不可名稱不言之 而不分事自辯故辯而不辯聖人戲而不言衆人辯 卷三

情不增不減求其所自來而不可得此之謂為光其 然之藏萬物所歸故注馬不湍酌馬不竭比性命之 到其主角以同乎大全則幾於道之方矣天府者自 陳祥道註道未始有封梯稗瓦礫無乎不在也言未 幽深付之自得此天府之所自藏為光之所自出也 光在內嵌而不發也大聖心真寂各安所安無遠近 於昭言滯於辯仁滯於常康滯於清勇滯於收若圓 物滯則有主角通則無方隅五者皆患在於滯道滯 南華真經長海簽設

一部 中世紀全書 事則有競爭何望乎物之齊哉道昭而不道公孫休 勇枝而不成北宫黝之徒是也此五者皆銳其主角 畛以體則有左右以理則有倫義以言則有分辯以 能到而圓之則近於道矣推而上之極於不可知之 成墨翟之徒是也康清而不信於陵仲子之徒是也 之徒是也言辯而不及公孫龍之徒是也仁常而不 始有常存而不論議而不辯也及道降為道出而有 神所謂真知無知是也無字不藏天府也不危其真

No. in late | 者小所損者大非所謂知葆光也 者一視而同仁篇近而舉遠若以物我為心是非為 陳碧虚註無有入無問有封孰所礙至言無不當有 辯而欲攻人於進义之間至南面而不釋然則所希 不道之道無所不通此即所以盡性之效也弘於道 常熟為定然可道可言豈得無規法左右倫義屬封 **葆光也此性之無畏無得者也不言之辯無所不舉** 分辯競争屬言其封其言理有實際故謂之德六合 初華真理 人每來故

金が四人生 之外聖人不論理存則事遣也六合之內聖人不議 者不辯於被聖人懷之知者不言眾人辯之言者不 将來非矜其博辯也故分於內者不分於外辯於此 事當則言忘也歷代帝王治亂聖人詳議發貶垂戒 不道之道皆識於人心豈非天府哉有形則注必潘 與理忤矣故不越分求知以战自然之性不言之辯 於道無為於理自齊若乃一事傷當如以圓向方必 知也大道不稱謂無所不宜辯仁原勇五者備矣則

とこうこころう 一本華真經義海察做 存不可也為欲明其是然後有封珍左右至競争八 道德經云大國不過欲兼畜人小國不過欲入事人 者是也六合之外無形者也六合之內有形者也有 趙虚齊註道未始有封無往不存也言未始有常無 兩者各得其所欲故大者宜為下 猶鷦鷯安於一枝十日比堯之德言其無幽不燭也 形形之大深大真觀故曰葆光三子猶存達文之問 有源則酌必竭今不湍不竭者是知無源源之深無

金で、正とという 勇枝五者皆道一名立則道裂矣知止乎其所不知 則無能名馬道之至也不言之言有言言者不道之 方也圆乃破觚為圓之義幾向方近於道也道昭至 其者書之意大道不稱至大勇不忮五者圓而幾向 未必得聖人之心故曰有不見也莊子借此以自明 筆削之書寫是非於褒贬蓋出於不得已而諸傳又 論而不議有言也事至於議辯論紛起矣春秋聖人 形生於無形必有無形者為之本存而不論無言也

Marie Direction 去之雖處至尊不以為樂舜告竟以帝有真見則是 膾骨数不見於經史下章言正處正味正色謂口之 道有道道者若人能知此則其中虚故曰天府言物! 形以是觀之則宗膾胥教似是寓言 三者安其所當安何公去之哉唯聖人然後可以踐 之所自出也至於注不消酌不竭則是無所成止不 於味目之於色四肢之於安供有性存馬竟欲克而 知其所由來併與知去之矣族光言自晦其明也宗 南華真經義海察徴

金をせんときせ 他只是物我對立之意**機彼此對立**說理說事便各 本無彼此因人心之私有箇是字生出許多畛域入 管不說但不詳議以强天下之知見於史冊者皆先 **鬳齊口義云有封即彼我有常有所主也至道至言** 有所主分辯無已故六合之外存而不論釋氏所謂 四維上下不可思量六合之內有許多道理聖人何 天下之理忘言為至纔到分辯則是別中無見故有 王經世之意聖人豈容不議然亦何嘗争競是非凡

寓言耳逢火之間喻物欲障散謂彼三子物欲自散 來藏其光而不露是曰條光宗膾胥教事不經見亦 有迹則近於方物有主角也真知無知便可以見天 不分有不辯也大道不稱謂無對立者大辯不言她 勇之迹园圖也已上五者皆是圖物本自混成若稍 至言也大仁不仁無仁之迹猴徹食處曰嗛湍也以 廉為康則意自端不得為大康矣不枝者不見其用 理之所會矣故欲益不能欲損不可而不知其所由

臣定四事全書 !

南華真經義海藻微

是非聖人所以真之不辯者照之于天也十日之說 不能向化我纔有不悅之心則物我對立矣日於萬 物無所不照況德進於日而不能容此三子字物我 即莫若以明之喻 獨音義載崔氏云宗一膾二骨敖三也陳碧虚音 竟欲代宗膾胥教一節似與上文不貫然句首加 經無所考訂三國之名義亦難分諸解缺而不論 故告者則是因上文而引證無疑第此事不見他

设定型車全書 博識竊詳經旨自上文有封有常有野而來意三 者猶存進义之間謂皆已存而不論莫若聽其自 之玄默而堯猶未能自勝以問於舜舜答以三子 三條皆欲攻而去之所以離言辯之是非復道德 國者備喻前六合內外先王之志曰論曰議曰辯 亦有堯攻叢支胥敦之語然觀者又當完其立言 之意不可以事迹拘也偶得管見附於篇後以俟 義亦引住說一云宗膾叢支母教三國人間世篇 南華真經義海藻微

處於無人之境則在我不以介懷在彼無所礙累 有自有趾待是成功沉今帝德又過乎日則彼三 何不釋然之有復證云昔者十日並出羣陰皆退 真經義海纂假卷三 不特攻而自去理固然也盖以寓言夫議論辯 則是非自息此齊物之大旨也